


玉機微義

卷

寧固齋



玉機微義

卷

寧固齋

第二十卷至第二十一卷

積聚

水氣

諸病

脹滿

消渴

脚氣

反胃

玉機微義

寧國齋道三具遂詳撰

玉機微義卷之二十

積聚門

○諸經叙積之始

黃帝針經百病始生第三云積者蓋厥氣生足悅免生  
脛寒脛寒則血脉凝滯凝滯則寒氣上入於腸胃則膜  
脹膜脹則腸外之汁沫迫聚不得散日以成積卒然多  
飲食則腸滿起居不節用力過度則絡脉傷陽絡傷則  
血外溢血外溢則衄血陰絡傷則血內溢血內溢則便  
血腸胃之絡傷則血溢於腸外有寒汁沫與血相搏則  
并合凝聚不得散而成積矣或外中於寒內傷於憂怒

陽  
陰  
給  
傷  
之  
兩  
証



則氣上逆氣上逆則六輸不通溫氣不行疑血蘊裏不散津液凝滯濇著而不去而成積矣難經曰肝之積名曰肥氣見後方以季夏戊巳日得之何以言之肺病傳於肝肝當傳脾脾季夏適主王者不受邪肝復欲還肺肺不肯受故留結為積故知肥氣以季夏戊巳日得之心之積名曰伏梁云云脾之積名曰痞氣云云肺之積名曰息賁云云腎之積名曰奔豚云云並見本方

按滑氏本義曰越人之意蓋以五行之道推其理勢之所有者演而成文耳初不必論其情感亦不必論其還不還與其必然否也讀者但以所勝傳不勝及

越人之勝傳留結積論觀則不以辭害志而思過半矣

王者不受邪遂留結為積觀之則不以辭害志而思過半矣

積聚之由飲食傷七情之說

謹按越人論五臟積傳受之本病也然針經又主絡脉傷及飲食七情所致而論之可謂詳悉然今較之積聚因飲食傷及七情而成者多且三因方於五積無主治引經况他書乎故其法不取今以東垣方附于後

○脉法

脉經曰脉來細而附骨者積也寸口積在胃中微出寸口積在喉中關上積在膈傍上關上積在心下微下關積

在少腹尺積在氣街脉出在右積在右脉出在左積在左脉兩出積在中央各以其部處之 脉來小沉而實者胃中有積聚不下食食即吐 肺積脉浮而毛按之辟易心積脉沉而芤上下無常處肝積脉弦而細腎積脉沉而急 脉沉重而中散者因寒食成癥 脉左轉而沉重者氣癥積在胃右轉出不至寸口者內有肉癥也

○論積聚癥瘕不同

難經曰積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五臟所

生聚者六腑所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處謂之聚故以是別知積聚也 原病式曰癥者腹中堅硬按之應手然水體柔順而今反堅硬如地者亢則害承乃制也 瘕者中雖硬而忽聚忽散無其常故其病未及癥也經曰血不流而滯故血內凝而為瘕也小腸移熱於大腸乃為瘕瘕大腸移熱於小腸謂兩熱相搏則血移而為伏瘕血澁不利月事沉滯而不行故云為瘕瘕為瘕與伏同傳寫誤尔

謹按積者實停痰也總名癥者有所成而名之亦皆積尔癥者血病也似不可言為聚聚者陽氣也然大小腸移熱為癥如此則亦聚尔但前人施治亦未見有分其異同者唯丹谿先生曰積塊在中為痰飲在左為血積在右為食積氣不能作塊成聚塊乃有形之物痰與食積死血不此深得病情之旨學者可因此例而求諸

○論積聚分三因

陳無擇云癥瘕屬肝部積聚屬肺部夫癥者堅也瘕者假也假物而成形然七癥八瘕之名經論亦不詳出雖

丹溪三塊并心深  
得病情之旨瘕  
美

有蛟蛇鱉肉髮蟲米等七證初非定名偶因食物相感而致患尔若婦人癥瘕則由内外不内外因動傷五臟氣血而成古人謂為痼疾以蛟蛇等為生瘕然亦不必泥此並屬血病蛇髮等事皆出偶然但飲食間誤中之留聚假血而成自有活性亦猶水蠱中僧病噎者腹中有一物其狀如魚即生瘕也

按此論積聚等屬臟部盖分氣血尔亦不必拘此然生瘕亦有外因而成者如昔之徐之才治取胎精疾生於足間者若此陳於三因何不之及

○論婦人腸覃石瘕之積

水脹篇曰石瘕何如岐伯曰石瘕生於胞中寒氣客于子門子門閉塞氣不通惡血當瀉不瀉則以留止日以益大狀如懷子月事不以時下皆生於女子可導而下寶鑑曰夫膀胱為津液之府氣化則能出矣今寒客於子門則必氣塞不通血壅不流而凝以止之結硬如石是名石瘕也此氣先病而血後病故月事不來則可宣導而下出者也故難經云任之為病其內苦結男子為七疝女子為瘕聚此之謂也非大卒之瘕不能已可服見曉丹

楊覃何如岐伯曰寒氣客於腸外與胃相搏不得榮因

有所繫瘕而內着惡氣乃起瘕肉乃生其始生者大如雞卵稍以益大至其成如懷子之狀又者離歲按之則堅推之則移月事以時下此其候也夫腸者大腸也覃者延也大腸以傳道為事乃肺之腑肺主衛衛為氣氣得吳則泄寒則凝今寒客於大腸故衛氣不榮有所繫止而結瘕在內貼者其延久不已是名腸覃也氣散則清氣聚則濁結為瘕聚所以惡氣發起瘕肉乃生小漸益大至期而鼓其腹則如懷子狀也此氣病而血未病故月水不斷以時下本非妊娠可以此為辨矣

按此謂石瘕為血壅不流故月事不來腸覃為清氣

聚而濁結成癥故與未病月水不斷而知此二積之  
異然亦有諸積所致或有病癰膿而似此二證者不  
可不察也

○論五積六聚治因鬱斷

子和曰且積之成也或因暴喜怒悲思恐之氣或傷五  
味之食或停溫涼寒熱之飲或受六氣之邪其初甚微  
可呼吸按導而去之不幸遇庸醫強補而留之留而不  
去遂成五積夫肥氣者不獨氣有餘也其中亦有血矣  
蓋肝藏血故也伏梁者火之鬱也以執藥散之則益甚  
以火灸之則彌聚况伏梁證有二名同而實異不可不

微、積遇庸醫  
而遂補遂成五積  
稀

詳焉其一上下左右皆有根在腸胃之外有大膿血此  
伏梁義同腸癰其二身體脾股肱皆腫環臍而痛是即  
風根不可動動則為水溺瀆之病此二者內經雖言不  
可動止謂不可大下非謂全不可下恐病去而有害痞  
氣者舉世皆言寒則痞內經以為濕則痞雖因飲冷而  
得其陽氣為濕所畜以熱攻之則不散以寒攻之則濕  
去而寒退矣息賁者喘息憤而上行也此舊說也余以  
謂賁者黃門也手太陰之筋結胸裏故貫合賁下抵季  
脇其痛支轉筋痛甚則成息賁手心主結於賁其病胸  
痛息賁又云肺下則居賁迫肝善脇下痛肝高則上支

摘  
按陰

玉梅卷之二十一 利現門  
賁門脇悅為息音若是言之是積氣於賁而不散此靈  
樞說五臟處言此賁自是多故予發之賁脈者賁與奔  
同銅人言或因讀書得之未必皆然也腎主骨此積最  
深難療大忌吐涌以其在下止宜下之故予嘗以獨聖  
散吐肥氣掄以木架必燠室中吐兼汗也肝之積使言  
風也吐出數升後必有血一二滴勿疑病當然也續以  
磨積之藥調之嘗治伏梁先以茶調散吐之兼汗以禹  
功導水奪之繼之以降火之藥調之又嘗治痞氣萬舉  
萬全先生瓜蒂散吐其酸苦黃膠腥腐之物三二升次  
以導水禹功下二三十行末以五苓散劑等藥調之又

嘗治息音用瓜蒂散不計四時置燠室中更以火一爐  
以助其汗吐汗下三法齊行此病不可返邈久則傷人  
又嘗治賁脈以導水通經三日一下之一月十下前後  
百行次用治血化氣磨積之藥調之此積雖不傷人亦  
與人偕老若六聚之物在腑屬陽而無形亦無定法倣  
此而行之何難之有

按此論五積之異同可謂極備病情之要稽為醫而  
用吐法更甚得古人之妙矣但每吐後繼之以禹功  
導水之劑則不可為例矧古人施吐必本積因而用  
藥如徐文伯以油為宮人吐髮癢積澄以蒜為李道

念吐雞子積攷權以雄黃為人吐髮瘕成蛇者蓋所  
因不同而用藥殊也大抵禹功五苓之劑十下百行  
等法用於濕熱盛實及體厚者則可設有陰虛氣痿  
積聚實而血氣弱者豈可例用乎

○論痰積飲積主於濕

詳見痰飲門

論治積大法

許學士云大抵治積或以所惡者攻之或以所喜者誘  
之則易愈如礪砂水銀治肉積神麴麥蘖治酒積水蛭  
童虫治血積木香檳榔治氣積牽牛甘遂治水積雄黃

治積或以所惡者攻  
或以所喜者誘

膩粉治延積礞石巴豆治食積各從其類也若用羣隊  
之藥分其藥勢則難取効須要認得分明是何積聚兼  
見何證然後增減斟酌量使之不尔反有所損要在臨時  
通變也

謹按諸積有不因氣動而成者如偶有所食或誤吞  
錢物之類是因氣動而成者如七情所致或飲食  
勞倦或五臟傳受之類是也故所積之物不一氣血  
之聚有殊或成蠱疔生瘕之類難測故須是認得分  
明是何積聚用藥宜各從其類然亦要看元氣虛實  
或攻取峻削或養正漸除可也不尔則豈但有損而

已

論養正積自除

衛生寶鑑曰潔古云養正積自除譬如滿座皆君子縱  
 有一小人自無容地而出令其直氣實貫氣強積自消  
 矣潔古之言豈欺我哉內經曰大積大聚其大半而  
 止滿實中有積氣大毒之劑尚不可過况虛中有積者  
 乎此乃治積之一端也邪正虛實宜詳審馬

按或云積非下之不可今言養正而後積除將以待  
 正氣而除乎將以待藥力而除乎然人之有積則皆  
 為身中之邪氣若君子座中之有小人也惟其調正

大積大聚其大半而止慎

正後之法  
 先補後攻期邪去  
 然除之漸則必有  
 顛覆之害說

氣則真氣運行不失其常而積自除夫君子衆而正  
 直在位其小人自然退避矣不然則正氣虛而真氣  
 乖致積增膜隔胃亂真正氣絕而死矣亦若小人得  
 志則政亂法壞而君子有所不能制焉且夫養正者  
 非為飲食起居之間也蓋積既成矣形漸悴矣必用  
 調養使榮衛充實而積自除餘有堅而不去者方可  
 亟下之此先補後攻期于邪去正復而後已然除之  
 不以漸則必有顛覆之害矣若昔之武氏斷喪唐宗  
 幾於攻物尚賴張諸公匡扶之力漸除黨與興復  
 丕祚惜乎中宗不鑑前轍之失而留三思馴致韋氏

五梅卷之二十一  
之禍其猶積餘之尚在者而不亟下之更不慎守禁  
戒遂縱口嗜慾病證復起而不可制其有不喪身者  
未之有也

積聚治法

五臟積方

東垣肥氣丸治肝之積在左脇下如覆杯有頭足久不  
愈令人發欬逆瘡瘻連歲不已

厚朴 半兩

黃連 七錢

柴胡 二兩

川烏頭 炮去皮

巴豆霜 五分

椒 四錢

乾姜 炮五分

皂角 去皮

白茯苓 錢半

甘草 三錢炙

廣木 炮

人參

昆布 各二錢半

右件除茯苓皂角豆霜另末外為極細末和勻煉  
蜜為丸如桐子大初服二丸一日加一丸二日加  
二丸漸漸加至大便微溏再服二丸加服周而復  
始積減大半勿服

伏梁丸治心之積起臍上大如臂上至心下久不愈令  
人煩心

黃連 一兩半

厚朴 製

人參 各半兩

黃芩 三錢

桂 一錢

乾姜

菖蒲

巴豆霜 各五分

紅豆 五分

川烏頭 炮

茯苓

茯神

丹參 炒各一錢

右件除巴豆霜外為細末另研豆霜旋旋入末煉  
蜜為丸如桐子大服如上法淡黃連湯下

痞氣丸治脾之積在胃脘覆大如盤久不愈令人四肢  
不收發黃疸飲食不為肌膏

厚朴 四錢半 黃連 八錢 吳茱萸 三錢 黃芩 二錢

白茯苓 澤瀉 人參 各一錢 川烏頭 炮

川椒 炒各五分 茵陳 酒炒 乾姜 炮 砂仁 各一錢半

白朮 二分 巴豆霜 四分 桂 四分

右件除豆霜另研茯苓另末旋入外同為細末煉  
蜜為丸如桐子大用淡甘草湯下服如上法

息賈丸治肺之積在右脇下覆大如杯久不已令人洒  
浙寒熱喘欬發肺壅

厚朴 製八錢 黃連 炒一兩 乾姜 炮

川椒 炒 紫苑 各一錢 桂 川烏頭 炮

桔梗 白豆蔻 陳皮 京三稜 各一錢

天門冬 一錢 人參 一錢 青皮 五分 巴豆霜 四分

右件除茯苓巴豆霜旋入外為末煉蜜丸如桐子

大以淡姜湯送下服如上法已上四方秋冬加厚

朴減黃連四分之一

奔豚丸治腎之積發於小腹上至心下若豚狀或下或

上無時久不已令人喘逆骨痠少氣及治男子內結七  
疝女人痰聚滯下

厚朴製七錢黃連五錢

白茯苓

澤瀉

菖蒲各二錢川烏頭五分

丁香五分

苦楝酒煮三錢

玄胡一錢半

全蝎

附子

獨活各一錢

桂二分

巴豆霜四分

右除巴豆霜茯苓為末旋入外為細末煉蜜丸

如桐子大次溫湯下服如上法

按已上諸方宜隨證加減用之所謂益元氣泄陰火

破滯氣削其堅也

治積諸方通証得  
益元氣泄陰火  
破滯氣削其堅也

吐劑

瓜蒂散

方見痰飲門

按吐法意畧具則宜兼着各門吐例

○倒倉法

丹谿曰人之七情厚味痺痰瘀血互相糾纏日積月深  
鬱結成聚甚者如挑核之樣諸般奇形之虫成於中形  
於外發為癰瘡為癩瘡為蠱脹為癩疾為無名奇病宜  
行此法

用黃牡牛肉擇肥者買一二十斤長流水煮糜爛

入湯中為液以布濾出粗滓取淨汁再入鍋文武火

熬成琥珀色則成矣每飲一鍾少時又飲如此者積  
十數鍾寒月則重湯溫而飲之病在上者欲其吐多  
病在下者欲其利多病在中者欲其吐利俱多全在  
活法而為緩急多寡也須睛明日早於一室明快不  
通風處以安病人視所出之物可盡病根則止吐利  
後或渴不得與湯水其小便必長取以飲病者名曰  
輪迴酒與一二椀非惟可以止渴抑且可滌濯餘垢  
睡一二日覺饑甚乃與粥淡食之待三日後姑與少  
菜羹自養半月覺精神煥發刑體輕捷沉痾悉除其  
後須五年忌牛肉

消導之劑

御藥院方助氣丸治三焦痞閉胸膈滿悶氣不流通  
結成積痞癖氣塊並皆治之

京二稜炮

我木炮各二斤

青皮

陳皮

並去白

白木

各十五兩

檳榔

只此

木香

各十兩

右為末糊丸如梧子入每五十九煎水下

按此治諸氣積藥也然世俗治積之方多兼氣藥欲  
其氣化而積易散殊不知氣虛者何以抵受中爇  
者豈不助火反傷氣耶故用者宜分虛實寒熱選使  
况此方雜削氣之藥過半而云助氣恐未必然也

名安相及方由  
見方後評論

削氣之藥過半而  
云助氣恐未必然

三因散聚湯治久氣積聚狀如癥瘕隨氣上下發作有時心腹絞痛攻刺腰脇小腹膜脹大小便不利

半夏

檳榔

當歸各三分 陳皮

杏仁去皮尖炒

桂各二兩

茯苓

甘草炙

附子炮

川芎

枳殼炒

厚朴製各一兩

吳茱萸

湯洗兩洗 大黃大便秘

右咬咀每服四錢水煎

濟生大七氣湯治積聚狀如癥瘕隨氣上下發作有時心腹疝痛上氣窒塞小腹脹滿

益母

陳皮

京三稜

蓬朮各一兩半

香附子

一兩 桔梗

肉桂

藿香葉

甘草炙

青皮各三分

右咬咀每服五錢水煎

按此二方治聚之劑也然聚瘕用湯蕩滌之意亦要隨臟氣虛實寒熱而增損之可也

東垣草豆蔻丸治酒積或傷寒冷物胃脘痛咽膈不通

草豆蔻煨

白木各一兩 大麥蘖

神麩各炒

黃芩

半夏各半兩

枳實炒二兩 陳皮

青皮各二錢

乾生姜

二錢 炒鹽半錢

右為極細末湯浸蒸餅丸如菜豆大每服百九煎

水

按此治酒積飲積藥也入氣血之分

廣木漬堅湯治有積塊堅硬如石形如祥大令人坐卧不安中滿腹脹

方見腹脹門

寶鑑香殼丸破痰癖消癥塊及冷積

木香

丁香各五錢

青皮

京三稜劉酒浸宿

川棟子

枳殼炒

茴香

廣木劉酒浸宿

法巴豆黃色各一兩

右為末醋糊丸如梧子大朱砂為衣每服二十九

姜鹽湯下

按此治氣積寒積之劑下焦藥也

丹谿阿魏丸治肉積

連翹半兩

糖棗子一兩黃連六錢半

阿魏一兩蜜作糊

右為末用阿魏糊丸如梧子大每二三十丸白湯下

保和丸治食積

糖棗子三兩

神麩二兩

半夏

茯苓各一兩

陳皮

連翹

蘿蔔子各半兩

右為末粥糊丸如梧子大每三四十九丸白湯下

按此二方食積藥也又此方治痰積飲積之劑丹谿曰脾虛者須以補脾藥下之切不可獨用虛虛之禍疾如反掌蓋慎之也氣實新病宜於攻下諸方選用又不必拘此

當歸三稜湯治癥瘕痞積聚不散堅滿痞隔食不下腹脹

京三稜二兩白朮一兩

蓬朮

當歸各半兩

攢榔

木香各三分

右為末每三錢沸湯下

按此治癥瘕之劑氣血藥也然瘕者雖硬而忽聚散

即聚也屬陽氣也經云血不流而寒薄故血內凝而瘕蓋又屬血爾固當兼治之此方亦可以推其變化虛實加減而輕重之可也

謹按針經備陰絡傷汁血相搏并合成積或臟氣傳受及子和論七情為鬱皆元氣自病不係傷諸飲食致者當先調理不可妄下故已上五臟方消導法宜選用氣虛弱甚者又宜消息此養正積自除之意若傷諸飲食致者元氣未病初非下之劑之不可然治之不早元氣日減正氣日偷方用下劑而能獲安者實僥倖焉至是者亦宜上法先補後攻可也醫反是

初治後治前下  
可否說

病加於愈

醫者不明

之多致悞尔若積鬱在身形氣飲食如常者則已下  
削堅之方或吐或下的在選用衰其大半宜漸除之  
否則失機後時而不救者多矣然有除之未盡元氣  
未復而使內鬱口味恣七情病遂復起者亦不鮮矣  
嗚呼世道不古人之不謹致積又不能歸罪於已安  
心調理卒致殞沒不得以盡其天年者固不足惜然  
醫之不能精明其道悞人生命者豈無所報耶

削堅之劑

楊氏木香檳榔煎丸治脾積氣塊腰脇走痛口吐清水  
木香 肉桂各一兩 檳榔七枚 乾漆炒令烟

圖砂半兩另研 肉豆蔻 五枚 胡椒 四十九粒

右為末次入硃砂和勻煉蜜丸如梧子大每七丸

橘皮湯下

按此治內積寒積藥也入氣血之分

局方丁香脾積丸治諸般食積氣滯胸膈脹滿心腹刺

痛

丁香

木香

巴豆

高良姜 醋者各半兩

莪朮 三兩

三稜 二兩

青皮 一兩

皂角 三大挺 燒

右入百草霜三匙同碾細為末糊丸如麻子大每

十九至二十九

按此治寒冷食積藥也

鄧山房感應丸治食積化宿滯

黑角沉香 木香 檀香 丁香

陳皮 青皮 黃連 砂仁

香附子 半夏 三稜 煨 蓬朮 煨各一兩 為細末

肥烏梅 重 巴豆 若去衣 礮心

右用磁器一隻盛巴豆上以梅肉蓋之却用米醋浸過與梅肉平於甑坐蒸至極熟以巴豆紅色為度却搗二件如泥用糯米飯和煎藥勻搗千百下丸如蘿白子大每十九湯下

按此下氣積食積藥也

宣明積氣丹治一切新久沉積氣塊面黃黑瘦癥瘕積

聚口吐酸水

檳榔二箇 芫花 京三稜 黃連

牛膝各一兩 樟柳根一兩 礮砂二錢 肉豆蔻一箇

青皮 半陳皮各三錢 石菖蒲三錢 巴豆

木香 各二錢半 大戟 大黃 汁送

白牽牛 乾姜 青礮石 乾漆 各半兩

蓬朮一兩

右為末醋糊丸如桐子大每服一九臨卧燒棗湯

下量病人虛實加減與服

按此下飲積氣積肉積水積藥也

本事礪砂丸治一切積聚痰飲心脇引痛

礪砂 三稜 乾姜 白芷

巴豆去油各 大黃 乾漆各一兩 木香

青皮 胡椒各一分 檳榔 肉豆蔻各一箇

右為末釀醋一二升煮巴豆五七沸復下三稜大

黃末同煎五七沸入礪砂煎成膏却入別藥和勻

杵丸如茱豆大毋五九姜湯下

按此下肉積氣積例藥因其中用白芷為散水行氣

故更言治痰飲也

破積導飲丸治積塊堅硬飲食不消心下痞悶

木香 檳榔 陳皮 青皮

枳殼炒 枳實炒 廣木炮 三稜炮

半夏 神麩炒 麥蘗 乾生姜

茯苓 澤瀉 甘草各半兩 牽牛頭末六錢

巴豆三十粒去皮心油

右為細末入巴豆霜令勻姜汁糊丸如梧子大每

三十九丸溫姜湯下

按此治飲積酒積氣積藥也然世俗方類此者甚多

大抵多合以熱劑不能以盡病情之變唯此方庶幾用者自宜取擇

三因破飲丸 方見痰飲門

晞露丸治傷寒於內氣凝不流結於腸外久為癥瘕時作疼痛腰不得伸

廣木

三稜各酒浸一兩用巴豆三十粒去殼同炒黃色去巴豆不用

乾漆炒五錢 茴香炒

青皮

雄黃各三錢

川山甲炮三錢 硃砂四錢 研輕粉一錢

川烏炮半兩

麝香五分

右細末和勻姜汁糊丸梧子大每三二十九溫姜

湯下空服

按此治腸重寒積之劑也

寶鑑見睨丹治婦人石瘕狀如懷子者

附子四錢 炮鬼箭羽

紫石英各三錢 澤瀉

肉桂 玄胡

木香各二錢 血竭一錢半

水蛭一錢 炒攢榔二錢半

桃仁炒三十箇 三稜五錢

大黃再炒一宿

右各研勻酒糊丸如梧子大每三十九食前用鹽湯或酒下

按此治血積藥也

溫白丸治心腹絞痛久癥癖塊大如杯碗十種水病八種痞塞九種心痛

紫苑

吳茱萸

菖蒲

柴胡

桔梗

厚朴製

皂角去殼

茯苓

黃連

桂

乾姜炮

川椒炒去目

巴豆去心膜油人參各半兩

川烏炮去皮脂二兩半

右為末入巴豆研令勻蜜丸如梧子大每三九生姜湯下

按此治食積寒積藥也

經驗方塌腫神應丸治諸腫虫毒肚脹如鼓脾癥癥瘕

氣塊上喘氣急欬倚息不得睡眠藥不效者

三棱

義木

青皮

陳皮

乾漆燒各二兩

芫花七錢半

大戟三錢

礪砂

巴豆霜各二錢

右前藥和一處用好米醋一大椀慢火上煮醋乾為度取出晒乾碾為末醋和作丸如梧子大每四五十九生姜湯下五更服隨用椒目六兩羅白子半斤炒香熟用手帕盛於患處熨如冷再炒熨至再三大小便行後才住熨以溫稀粥補之

按此治癥瘕之劑飲積氣積水積血積藥也

聖散子治遠年積塊

硃砂六兩

川大黃八兩

大麥蘖六兩 乾漆燒過

蒿蓄

茴香炒

瞿麥

檳榔各一兩

如婦人乾血氣加川山甲二兩炮

右為末每五錢溫酒調下仰卧此藥只在心頭至  
明大便如爛魚小便赤為驗取出並無毒性小兒  
用一錢量大小與之

按此氣血藥也

謹按治積之方氣實者故宜峻削故古方多相類近  
世又多用推逐之劑如剪紅丸臘丸去積亦是一法

氣實者積宜峻削  
吐法後子和  
虛羸觀東垣

吐法後子和  
虛羸觀東垣

但不分氣血而物諸積之異人之虛實不同往往誤  
人故皆不錄其或可吐者宜從子和之法氣虛羸弱  
者觀東垣諸方已啓其微用者當自求其意而為通  
變可也

玉機微義卷之二十

積聚門

積聚門

三

王機微善卷之二十一

消渴門

○諸經論消渴脉證所因

內經陰陽別論曰二陽結謂之消脉要精微論曰瘰成  
為消中

手足陽明津不足而  
消病生云云

治趣一宜禁

按東垣曰二陽者陽明也手陽明大腸主津病消則  
目黃口乾是津不足也足陽明胃主血熱則消穀善  
饑血中伏火乃血不足也結者津液不足結而不潤  
皆燥熱為病也此因數食甘美而多肥故其氣上溢  
轉為消渴治之以蘭除陳氣也不可服膏粱芳草石

消渴脈并

上消胃宜下  
中消胃宜下  
下消腎宜養血

藥其氣慄悍能助燥熱也

調進論曰心移熱於肺傳為膈消也 凡治消瘴小緊

偏枯痿厥氣滿發逆肥貴人則膏粱之疾也岐伯曰脉

實病久可治脉弦小病久不可治後分為三消高消者

舌上赤裂大渴引飲 脉經云緊數相搏則為消渴

脉軟散者當病消渴

○論消渴為三焦受病

病機云消渴之疾三焦受病也上消者肺也多飲水而

少食大便如常小便清利知其燥在上焦也治宜流濕

以潤其燥消中者胃也渴而飲食多小便赤黃熱能消

穀知其熱在中焦也宜下之

消腎者初發而為膏淋謂淋下如膏油之狀至病成面

色黧黑形瘦而耳焦小便濁而有脂液治法宜養血以

肅清分其清濁而自愈也

○論消中二證之異

陳無擇云消渴屬心故煩心致心火散漫渴而引飲諸

脉軟散皆氣實血虛也消中屬脾癉執減則為消中消

中復有三有因寒中陰勝陽鬱久必為熱中經云脉洪

大陰不足陽有餘則為熱中多食數溺為消中陰狂興

三消 濕寒 陰虛 極寒  
燥熱 陽虛 極熱

盛壯之時不謹而縱慾房勞年長腎衰多服金石真氣  
既喪口乾精益自洩不飲而利經云腎實則消不渴而  
小便自利名曰腎消亦曰內消

論三消之疾燥熱勝陰

河間曰三消之疾本濕寒之陰氣極衰燥熱之陽氣太  
甚皆因乎飲食服餌失節腸胃乾涸而氣液不得宣平  
或耗亂精神過遠其度或因大病陰氣損而血液衰虛  
陽氣悍而燥熱鬱甚或因久嗜鹹物恣食炙煿飲食過  
度亦有年少服金石丸散積久實熱結於下焦虛熱血  
氣不能制濕熱燥甚於腎故渴而引飲若飲水多而小

便多者名曰消渴若飲食多而不甚渴小便數而消瘦  
者名曰消中若渴而飲水不絕腿消瘦而小便有脂液  
者名曰腎消此三消者其燥熱同也夫經中有言心肺  
氣厥而渴者有言肝痺而渴者有言脾熱而渴者有言  
腎熱而渴者有言胃與大腸結熱而渴者有言脾瘵而  
渴者有言小腸痺熱而渴者有言病瘡而渴者有言肥甘  
美食而渴者有言醉飽入房而渴者有言遠行勞倦過  
大熱而渴者有言因傷害胃乾而渴者有言因病風而渴者  
雖五臟之部分不同而病之相遇各異其為燥熱三液

一也

五臟部分不同病之所遇  
各異其為燥熱三液

謹按先生三消之論始言天地六氣五味以配養入  
 身六位五臟而究乎萬物之源終引內經論渴諸證  
 以辨乎世方熱藥之誤比物立象反覆詳明非深達  
 陰陽造化之機者孰能如是哉夫治此疾者補腎水  
 陰寒之虛而瀉心火陽熱之實除腸胃燥熱之甚濟  
 身中津液之衰使道路散而不結津液生而不枯氣  
 血利而不澀則病日已矣豈不以滋潤之劑養陰以  
 制燥滋水而充液哉何故世論消渴者多不知其意  
 謂因下部腎水虛不能制其上焦心火使上實熱而  
 多煩渴下虛冷而小便若更服寒藥則元氣轉虛而

渴証治法之大要

世俗之愚習

今使世俗之愚習并  
改論

下部腎水轉衰則上焦心火尤難治也但以暖藥補  
 養元氣若下部腎水得實而勝退上焦心火則自然  
 渴止小便如常而病愈也吁若此未明陰陽虛實之  
 道也夫腎水屬陰而本寒虛則為熱心火屬陽而本  
 熱虛則為寒若腎水陰虛則心火陽實是謂陽實陰  
 虛而上下俱熱矣以彼之言但見消渴數溲妄言為  
 下部寒尔豈知腸胃燥熱怫鬱使之然也且夫寒物  
 屬陰能養水而瀉心熱物屬陽能養火而耗水今腎  
 水既不勝心火則上下俱熱柰何以熱藥養腎水欲  
 令勝心火豈不聞哉彼不謂水氣實者必能制火虛

則不能制火故陽實陰虛而熱燥其液小便淋而常少陰實陽虛不能制水小便利而常多此又不知消渴小便多者蓋燥熱太甚而三焦腸胃之腠理佛鬱結滯緻蜜壅塞而水液不能滲泄浸潤於外以養乎百體故腸胃之外燥熱太甚雖多飲水入於腸胃之內終不能浸潤於外故渴不止而小便多水液既不能滲泄浸潤於外則陰燥竭而無以自養故久而多變於聾盲瘡瘍座沸之類而危殆其為燥熱傷陰也明矣

○論治消渴大法

前謂中消正  
上消四  
下消養血  
今此論全以正氣

能食  
不食  
并証異治

東垣曰消者以白虎加人參湯治之中消者善食而瘦自汗大便硬小便數叔和云口乾飲水多食饑虛羸成消中者調胃承氣三黃丸治之下消者煩躁引飲耳輪焦乾小便如膏叔和云焦煩水易虧此腎消也六味地黃丸治之綱錄所謂末傳能食者必發腦疽背瘡不能食者必傳中滿鼓脹普謂不治之證潔古老人分而治之能食而渴者白虎加人參湯不能食而渴者錢氏方白朮散倍加葛根治之上中既平不復傳下消矣前人用藥厥有旨哉或曰末傳瘡疽者何也此火邪勝也其瘡痛甚而不潰或赤水者是也經云有形而不痛腸

隨其表之遠近而制之  
大小并緩急之說

未傳  
大抵發之證  
為傳丹

之類也急攻其陽無攻其陰治在下焦元氣得強者生  
失強者死未傳中滿者何也以寒治熱雖方士不能廢  
其繩墨而更其道也然臟腑有遠近心肺位近宜制小  
其服腎肝位遠宜制大其服皆適其至所為故如過與  
不及皆誅罰無過之地也如高消中消制之太急速過  
病所久而成中滿之病正謂上熱未除中寒復生者也  
非藥之罪失其緩急之制也處方之治宜加意焉

按已上所論三消傳變可謂發病機之旨比與陳氏  
三因論消中復有三證皆病傳所異大抵未傳發瘡  
疽者為傳外發脹滿強中為傳內亢極之甚也但三

因所出治強中一方然未見其肯綮今姑存之以備  
其旨且傳脹滿皆不治之證况強中乎

消渴治法

○治熱之劑

局方清心蓮子飲

調胃承氣湯治消中熱在胃而能飲食小便赤黃

方並見熱門

三因真珠丸治心虛煩悶積熱煩渴口乾舌燥引飲無  
度小便或利或不利

知母一兩一分黃蓮

苦參

玄參

五種卷之二  
朱砂二兩  
麥門冬半斤

鉄粉  
牡蠣各一兩  
朱砂二兩  
麥門冬半斤

天花粉半兩  
金箔二百片  
銀箔二百片

右為末煉蜜入生瓜蒌汁少許丸如梧子大用金銀箔為衣每二三十九先用瓜蒌穰汁下一服次用麥門冬熟水下病退日二服

按此心胃經藥也已上三方有輕重之殊宜選使

○治燥之劑

東垣當歸潤燥湯治消渴舌上白乾燥唇乾口乾眼澁  
屢見浮雲大便閉澀乾燥結硬喜溫飲陰頭短縮  
升麻一錢半 柴胡七分 甘草六分 生細辛一分

黃栢 知母 石膏 桃仁

麻仁 防風 荆芥穗 當歸身各一錢

杏仁六箇 紅花少許 生地黃三分 小椒三箇

右咬咀作一服水煎

清涼飲子治消中能食而瘦口乾舌乾自汗大便結燥

小便頻數

羌活 柴胡 炙甘草 知母 酒製

黃芪 黃芩 生甘草 漢防己 各半

生地黃 酒製 防風五分 當歸身六分 紅花少許

桃仁五箇 杏仁十箇 升麻四分 石膏

三幾卷之二

黃栢

草龍膽製各一錢半

右咬咀作一服水煎入酒此小此方減黃芩黃芩防風草龍膽加麻黃根三分黃連八分名地黃飲子

按已上脾心肝腎藥也

○清氣之劑

局方人參白虎湯治高消上焦燥渴不欲多食

方見熱門

東垣蘭香飲子治渴飲水極甚善食而瘦自汗大便結燥小便頻數

石膏三錢

知母酒製一錢半

生甘草

防風各一錢

炙甘草

人參

蘭香

白豆蔻仁

連翹

桔梗

升麻各五分半夏二分

右為細末湯浸蒸餅和勻成劑捻作薄片子日中晒半乾碎如粉每服二錢食後淡生姜湯下按已上二方主上中二脞之劑肺胃經藥也

○滋陰之劑

丹參補陰丸

方見補虛門

局方加減八味丸治腎虛消渴引飲

金匱腎氣丸減附子加五味

右眼如本方法要裏治男子消渴小便反多仍用  
本方

簡易地黃飲子治消渴咽乾面赤煩躁

人參

生地黃

熟地黃

黃芪

天門冬

麥門冬去心澤瀉

石斛

枇杷葉法毛枳殼炒

甘草炒各等分

右咬咀每三錢水煎服

按此心腎脾肺藥也巳上三方主下消之劑

硃砂黃連丸治心虛蘊熱或因酒過多發為消渴

硃砂一兩

宣連三兩

生地黃二兩

右為末煉蜜丸如梧子大每四五十丸橙心棗湯

送下

按此心脾藥也上消之例

清氣滋陰之劑

局方黃芪六一湯治男女諸虛不足胸中煩悸時常消  
渴或先渴而後發瘡或病諸瘡而後渴者在宜服之

方見局方諸虛門

按此肺腎脾三焦命門之劑也

東垣生津甘露飲子治高消大渴飲水無度舌上赤澁  
上下齒皆麻舌根強硬腫痛食不下腹時脹痛渾身色

瘡後瘡  
瘡後瘡  
豈此消

黃自白睛黃甚則四肢痿弱無力面塵脫色脇下急痛  
善嚏善怒健忘髻腰皆寒兩尻冷甚

石膏 錢二分 人參 二錢 炙甘草 二錢 黃栢 酒拌

杏仁 各一錢半 生甘草 山梔 草澄茄 各一錢

白朮 半錢 白豆蔻 白芷 連翹

姜黃 一錢 麥門冬 蘭香 當歸身 各五

桔梗 三錢 升麻 知母 酒製 各 黃連

木香 柴胡 各三分 藿香 二分 全蝎 二箇

右為細末湯浸蒸餅和勻攤薄曬乾杵細食後每  
二錢抄於掌中以舌舐之隨津嚥下或送以白湯

少許

按此肺胃心腎藥也東垣曰此制之緩也不惟不成  
中滿亦不傳下消矣三消皆可用

宣明麥門冬飲子治膈消胸滿煩心津液乾少短氣多  
為消渴

知母 甘草 瓜蒌 五味子

人參 葛根 生地黃 茯神

麥門冬 去心各 等分

右咬咀每五錢入竹葉十四片煎

按此肺腎脾胃藥也

。 雜方

寶鑑麥門冬湯治消渴日夜飲水不止飲下即溲

麥門冬去心黃連

乾冬瓜各二兩

右咬咀每五錢水煎服如無乾者用新者一枚重  
三斤去皮穰分作十二片為十二服每服一片日  
三次

酒蒸黃連九治消渴飲水無度至二三升小便五七十  
次發熱瘦弱口乾食已如饑此名消瘴今用味苦無毒  
除熱正氣消渴厚腸消渴之人脾胃惡濕黃連為對  
黃連淨半斤酒一升湯重蒸伏時晒乾用

右末滴水丸如梧子大每五十九食前溫水下

仁齋加味錢氏白朮散治消渴不能食

人參

白朮

白茯苓

甘草炙

枳殼炒各半錢

藿香一錢

乾葛二錢

木香

五味子

柴胡各三分

右咬咀作一服水煎

宣明大黃甘草飲子治男文一切消渴不能止者

大黃一兩半

甘草四兩

大豆

五升羹三  
拂去苦水

右三味用井水一桶同煮軟盛放冷令病人食豆  
渴飲汁無時候食盡病不盡再如前服不三次愈

笑

三因石子齋危湯治強中多因耽嗜色欲爰快意飲食  
或服丹真氣既脫煩渴引水飲食倍常陰器常興不交  
精出故虛熱注於下焦最為難治

齋危

石膏各三兩

人參

茯神

瓜蒌根

磁石煨淬

知母

乾葛

黃芩

甘草各二兩

右剉每水三盞腰子一箇去脂膜黑豆二合煮至

酸半去腰子大豆入藥四錢煎服

秘方用紫背浮萍搗汁每頓服半盞數

丹溪方

黃連末

天花粉末

生地黄汁

生藕汁

右二物汁為膏入上藥搜和入牛乳佐以姜汁和

蜜湯為膏徐徐與舌上以白湯少許送下

機要方無天花粉有牛乳汁二汁熬膏和末為丸

如桐子大每二十九丸少呷溫水下日進十服

玉機微義卷之二十二

水氣門

諸經叙水氣為病所因

內經曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之關也關門不利故聚水而從其類也上下溢於皮膚故為跗腫附腫者聚水而生病也故水病下為跗腫大腹上為喘呼不得卧者標本俱病故肺為喘呼腎為水腫肺為逆不得卧下焦溢為水王註曰下焦為分注之所氣窒不瀉則溢

水病本末腎肺上下

三并証

水証之本因

而為水 肺移寒於腎名曰涌水 云云証見後障諸有  
水氣者微腫先見於目下也

針經曰水始起也目窠上微腫如新卧起之狀其頸脉  
動時效陰股間寒足脛腫腹乃大其水已成矣以手按  
其腹隨手而起如裹水之狀此其候也 肢脛者人之  
管以趨翔也莖垂者身中之機陰精之候津液之道也  
故飲食不節喜怒不特津液內溢乃下留於壅血道不  
通曰大不休俛仰不便趨翔不能此病榮然有水不上  
不下也

謹按內經論諸水氣皆諸藏本病也經所引則

主飲食及七情等因皆能致之可見病機之微矣但  
有濕腫氣腫初皆頗相似然以手按之成凹不即起  
者濕也濕與水有微甚之意况有氣腫及諸水形證  
不同要在臨證詳審也

。脉經叙諸水脉證

病有風水有皮水有正水有石水 寸口脉沉滑者中  
有水氣面目腫大有熱或身體反重而酸或惡風一身  
悉腫脉浮不渴續自汗出而無大熱者皆為風水 皮  
水其脉亦浮外證附腫按之没指不惡風其腹如鼓不  
渴當發其汗皮水之為病四肢腫水氣在皮膚中四肢

五癆水証之辨別

重水之二証類知  
腰上發汗  
腰下利尿

聶聶動者防已茯苓湯主之 正水其脉沉遲外證自  
喘 石水其脉自沉外證腹滿不喘 黃汗風水其脉  
自浮外證骨節疼痛惡風 心水者其身重而少氣不  
得卧煩而躁其陰大腫 肝水者其腹大不能自轉側  
脇下腹中痛時時津液 生小便續通肺水者其身腫  
小便難時時鴨溏 脾水者其腹大四肢苦重津液不  
生但苦少氣小便難 腎水者其腹大臍腫腰痛不得  
溺陰下濕如牛鼻上汗其足逆冷面又瘦 裏水者一  
身面目黃腫其脉沉小便不利故令病水也 諸有水  
者腰以下腫當利小便腰以上腫當發汗乃愈

按已上論五臟所主見證與諸經論根本不同詳見

後神金散下宜並詳審

論生死脉法

水病脉洪大者可治微細者不可治水病脹閉其脉浮  
大軟者生沉細虛小者死水病腹大如鼓脉實者生虛  
者死

論水氣生於濕熱

原病式曰或云水腫者由脾虛而不能制其腎水則水  
氣妄行而脾主四肢故水氣游走四肢身面俱腫者似  
是而實非也夫治水腫腹脹以辛苦寒藥為君而大利

水証因脾虛而生  
必至通故多引証說  
并

辛苦寒 治濕熱水腫  
解

其大小便也經曰中滿者治之于內然則豈為脾土之  
虛也此說正與素問相反經曰諸濕腫滿皆屬脾土又  
曰大陰所主附腫又曰濕勝則濡泄甚則水閉附腫皆  
所謂大陰脾土濕氣之實甚也又經曰諸腹脹大皆屬  
于熱又云諸附腫疼酸皆屬于火又曰熱勝則附腫皆  
所謂心火實熱而安得言脾虛不能制腎水之實甚乎  
故諸水腫者濕熱之相兼也如六月濕熱太甚而蔗物  
隆盛水腫之象明可見矣故古人制以辛苦寒藥治之  
蓋以辛散結而苦燥濕以寒除熱而隨其利濕去結散  
熱還氣和而已所以妄謂脾虛不能制其腎水者但謂

數下致之又多水液故也豈知巴豆熱毒耗損腎水陰  
氣則心火及脾土自甚濕熱相搏則佛鬱痞隔小便不  
利而水腫也更宜下之者以辛苦寒藥能除濕熱佛  
鬱痞隔故也若失世傳銀粉之藥以治水腫而愈者以  
其善開佛鬱痞隔故也慎不可過度而加害亦况銀粉  
亦能傷牙齒者謂毒氣感於腸胃而精神氣血水穀能  
勝其毒故毒氣循經上行而至齒齲嫩薄之分別為害  
也上下齒縫者手足陽明之經也凡用此藥先當固本  
尔或云陰水偏身而又惡寒止是寒者非也  
丹谿曰諸氣臍鬱皆屬於肺者諸濕腫滿皆屬於脾諸

腹脹大皆屬於熱蓋濕者土之氣土者火之子故濕病  
 毋生於熱熱氣亦能自濕者子氣感母濕之變也凡病  
 腫皆以治腫為主可挾不同治法亦異盧砥鏡治水脹  
 辨以隸於腎肝胃三經而不及脾下文繼以肺金盛生  
 水水液妄行之說豈理也哉夫脾土受病肺為之子焉  
 有自盛而生水者哉若為腫之水果生脾金之清氣  
 則滋長腎陰奉行降令為生化之源何病腫之有今參  
 透經絡注流溪谷皆濁衛之氣窒碍津液久久滯入隧  
 道血亦化水而欲藉脾土以制之道乎脾氣以利之不愈  
 脾病則肝木乘侮之氣亦衰木宜於畏脾款此病不可

漸分消矣

得矣治法宜清心經之火補養脾土全運化之職肺氣  
 下降滲道開通敗濁之氣其稍清者復回而為氣為血  
 為津液其敗濁之甚者在土為汗在下為溺以漸而分  
 消矣盧不明言而更曰制水燥水得非白圭以鄰國為  
 壑乎

謹按河間論水氣主於脾土濕甚為病蓋言有餘證  
 也但脾虛受濕或濕熱自甚不足所致者為甚多故  
 以丹谿之論併及之觀者當自審察然脉經論熱甚  
 金衰金棄土母而歸水水藏火神土亡其子其氣衰  
 微水為洋溢浸漬為也走擊皮膚面自浮腫歸於四

水為物元  
土為物母

治本可下及不可  
五下三分別

玉樓卷之三十二

水氣門

脾愚醫見水直往下之虛脾空胃水逐居之

云云見此  
本文

實諸臟之本病也夫水為物元土為物母然物元物母

為病則真氣危矣故不得妄下之也由是觀之則水氣

之病始非氣鬱飲食濕熱諸證所致者禁不得妄下蓋

恐真臟為病也是以丹谿宣明肺腎脾之意深備此理

○論諸證似水氣

發明曰夫脚氣之疾實水濕之所為也

云云見濕門

河間曰結陽病主四肢脛腫四肢熱勝則腫

云云

○論濕證似水氣

詳見濕門

謹按濕者水氣之漸也故治有輕重所殊尔

○論水氣繆刺法

內經曰經脉滿則絡脉溢絡脉溢則繆刺之以調其絡

脉使形容如舊而不腫故曰繆刺其處以復其形也

謹按繆刺謂不分隧穴而刺之也故此水熱穴論無

刺水穴分大法水溢於表或腹脹或四肢雖腫而氣

稍實脉浮壯者宜行此至病氣孤危脉微弱而四肢

水氣盛實者今人性性繆刺之禍不旋踵蓋不審經

言脉滿絡溢宜繆刺之理也

○論水氣證治大法

玉樓卷之三十二

水氣門

六

內經曰不從毫毛病生於內者陰氣內盛陽氣竭絕不  
 得入於腹中故言五臟陽以竭也津液者水也充郭皮  
 中陰蓄於內水氣脹滿上攻於肺肺氣孤危魄者肺神  
 腎為水害子不救母故云其魄獨居也夫陰精損削於  
 內陽氣耗減於外則三焦閉溢水道不通水滿皮膚身  
 體否腫故云形不可與衣相保也凡此之類皆四肢脉  
 數急而內鼓動於肺中也肺動者謂氣急而欬也如是  
 者皆水氣格拒於腹膜之內浮腫施張於身形之外欲  
 窮標本其可得乎平治權衡謂察脉浮沉也脉浮為在  
 表脉沉為在裏在裏者泄之在表者汗之故云開鬼門

平治權衡謂察脉  
 之浮沈

甚且則切斷  
 草謂

潔淨府也去宛陳並謂去積久之水物猶如草莖之不  
 可又留於身中也

謹按經論水氣證治至為機密故云開鬼門潔淨府  
 然鬼門者猶幽玄之謂有毛竅而不見其開闔邪氣  
 感入邪與正相搏毛竅閉塞而寒熱作為病客於表  
 故宜發汗遣邪氣以開鬼門也此亦發汗之別稱泄  
 諸病在表之通例也淨府者謂膀胱內無入孔而外  
 有出竅為清淨津液之府憑腎氣臙氣化水穀之精  
 而滲入脬中氣約成溺出也夫腎主下焦司開闔關  
 竅二陰肺脾之氣通調水道下輸膀胱氣化水行而

在表者汗之故謂汗  
在裏者泄之故謂泄  
淨府

自清淨否則便澁或濁或淋為水氣溢於腠理為膚  
腫諸病若宛屈陳坐壅滯於身中當泄去是物而淨  
潔宜此二法在表者汗之在裏者泄之權衡於治也  
雖然經云水病本之於肺腎二經而古今方論並不  
以治水獨瀉腎氣為說者何蓋腎陰奉行降令為生  
化之源而常不足至陰精損則於內生氣不能運化  
至為附腫其氣索矣况肺弱而母氣孤危者乎故東  
垣曰若治以甘淡滲泄陽藥獨陽無陰其欲化得乎  
此深擷已上治例之妙也如積飲留飲傷脾若土之  
於雨中則為泥矣或因七情所致手足太陰俱病身  
面浮腫似水氣者用燥脾導氣之劑即愈一則若泥  
土之得和風暖日水濕去而陽化自然萬物生長一  
則肺氣開泄滲道通利水氣不濡於脾矣此正諸濕  
腫滿皆屬脾土諸氣腫鬱皆屬於肺而與陰陽為病  
水氣機之不同故亦不待開鬼門潔淨府而已也

風水之証治

水氣治法

發表之劑

金匱越脾湯治風水惡風一身悉腫脉浮不渴續自汗出無大執

麻黃 四錢

石膏 四錢半

生姜 二錢

大棗 二枚

甘草 二錢

右咬咀作一服水煎惡風加附子古今錄驗加白

防已茯苓湯治皮水為病四肢腫水氣在皮膚中四肢

防已

黃芪

桂枝 各三錢

茯苓 六錢

甘草 二錢

右咬咀作一服水煎

加白朮不使水消

越脾加水湯治裏水 前越脾湯加白朮四錢

甘草麻黃湯治裏水濟生云治水腫從腰已上俱腫宜

此汗之

甘草 半兩

麻黃 二兩

一右咬咀作一服水煎

麻黃附子湯治水之為病其脉沉小屬少陰

麻黃 三錢

甘草

附子 各二錢

右吹咀水煎服

黃芪芍藥桂枝苦酒湯治黃汗之為病身體腫發熱汗出而渴狀如風水脈自沉

黃芪五錢

芍藥

桂枝各三錢

右吹咀水煎入苦酒相和作一服

按已上諸方並足太陽例藥也

○攻裏之劑

仲景十棗湯治水氣四肢浮腫上氣喘急大小便不通

三因方作丸

三花神佑丸

方並見痰飲門

按此並少陰例藥也義見痰飲例中

局方神助散治十腫水氣面目四肢浮腫以手按之隨手而起欬嗽喘急不得安卧小便赤澀大便不利

澤瀉二兩

枳目一兩半

猪苓二兩

黑牽牛末三兩

葶藶三兩

右為末每服三錢葶藶水煎入酒調服

按此太陰例藥也

宣明導水丸治濕熱腫滿

方見濕門

按此陽明例藥也

瀘川散

方見濕門

宣明導水丸

大戟散治水腫腹大如鼓或遍身皆腫

大戟

白牽牛末

木香各等分

右為細末每服三錢以猪腰子一對批開搽藥在內燒熟食之如食左腰子左臂塌消右消右如腫不盡於腹透塗其遂末飲甘草水少許其腫盡去

按此並出厥陰例藥也

葶藶丸治涌水證如溢囊裹漿或偏身腫滿按腹不堅疾行則濯濯有聲或喘咳不定

葶藶炒

澤瀉

椒目

桑白皮

杏仁炒

木猪苓各半兩

右為末煉蜜為丸如梧子大每二三十九葱白湯下不拘時以利為度

雄黃神金散

雄黃

澤瀉

椒目減半

大戟

巴戟

茯苓

甘遂

芫花醋浸日炒

桑白皮

葶藶

各一兩糯米和炒熟去米不用

右為末空心用井花水調下每一錢加至五錢以利為度忌鹽醋生冷油膩之物從腳腫加葶藶

肚腫加椒目

從陰腫加澤瀉

面腫加桑白皮

并始腫心知二病根  
所在合知某之何

從四肢腫加茯苓 從心腫根在肋加雄黃 從

肢腫根在脾加甘遂 從口腫根在小腸加巴戟

從腰腫根在腎加大戟 從膝腫根在肝加羌活

按此並太陽例藥也 宣明論此類方甚多宜選用之

東垣續隨子丸治肺經有濕通身虛腫 方見濕門

按此手太陰藥也出太陽例

三因消腫丸治水腫喘滿小便不利

滑石 木通 白木 黑牽牛

通脫 茯苓 茯神 半夏

陳皮各一錢 木香 瞿麥穗 丁香各五分

右為天酒糊丸如梧子大每五十九丸灯心麥門冬

湯下

按此太陽例藥也已上諸方世俗多用之故收入然

行者宜斟酌量其證輕重深淺寒熱選便則不致少有

差失也

○滲洩之劑

五苓散 方見濕門

按此太陽經表之裏藥也

宣明葶藶木香散 方見濕門

按此太陽手足二經藥又表裏藥也

後利毛竅之謂

大橘皮湯治濕熱內甚心腹脹水腫小便不利大便滑洩  
方見濕門

按此太陽藥文氣分藥也

澹寮五皮散治面目虛浮四肢腫滿心腹脹上氣喘急

陳皮 桑白皮 生姜皮 大腹皮

茯苓皮

右咬咀每服半兩水煎服

按此手足太陰藥也出太陽例

橘實一斗五 白丁香一兩 茯苓二兩

右為末用膏子為丸如梧子大服至小便清利及

不利服消止滲泄之劑  
乃用中治調養之藥  
妙說

泄後腫証之治法

按此足太陽少陰藥也  
機要茯苓湯治泄瀉後通身腫或肘腫或水氣者

方見泄瀉門

按此足太陽陽明藥也

燥濕之劑

局方平胃散治脾經受濕泄而肘腫

蒼朮 厚朴 陳皮 甘草炙

按此足陽明太陰藥也

泄腫治法

五藏卷之二十二

水瀉門

三

胃苓湯治脾胃濕勝傷冷泄瀉臍腫水氣者

方見泄瀉門

按此足太陽太陰藥也

濟生實脾散治陰水發腫用此先實脾土

厚朴 姜汁製

白朮

木瓜

木香 各一兩

乾姜 炮一兩

草果仁

大腹子

附子

白茯苓

甘草 炙各半兩

右咬咀每四錢入姜棗水煎服

按此手足太陽足三陰藥也

三因復元丹治脾胃虛弱為水腫四肢虛浮心腹堅

脹小便不通兩目下腫

附子 炮二兩

木香

茴香 炒

川椒 炒

獨活

厚朴

白朮

陳皮

吳茱萸 炒

桂枝 各一兩

澤瀉 一兩半

肉果 煨半兩

檳榔 半兩

右為末糊丸如梧子大每五十九粒蘇湯下

按此太陽例藥也然脾為太陰腎為少陰陰氣既虛

故不能化而此藥恐不合是理但宜與脾腎受寒濕

為病則可故已上諸方後燥濕例庶名實不齊者前

云溲洩者溲為利毛竅洩為利水竅也

足太陽直說生水証  
此方中藥味非治瀉  
補陰之劑也

溲洩兩利之并

消道之劑

金匱枳木湯

枳實 半兩 白木 二兩

右二味以水五升煮取三升分温三服

楊氏消腫丸治水氣腹脹頭面四肢陰囊皆腫喘急欬嗽睡卧不安小便赤澁

淡豉 二兩

京三稜 炮

大戟

杏仁

燒存性 各半兩

五靈脂 一分

巴豆

一兩水半斤煮去油

右為末以生奶和杵千百下丸如菘豆大每五十

九煎乘白皮湯下

東垣中滿分消丸治水氣熱脹

方見痞脹門

温白丸治十種水病

方見積聚門

按已上諸方並太陽例藥有輕重不同宜隨證選用

○調理之劑

三因當歸散水腫之疾多由腎水不能攝養心火心火遂不能滋養脾土故土制水水氣盈溢氣脉閉塞滲透

經絡發為浮腫之疾

木香

赤茯苓

當歸

桂

木通

赤芍

牡丹皮

檳榔

陳皮

白木

使脾胃安則自能  
速運自能升降運  
動其樞機則水自行  
之說

以治通小便法

右等分咬咀每半兩入紫蘇五葉木瓜一片煎服

濟生加味腎氣丸治腎脾虛損腰重脚腫小便不利

白茯苓 三兩 附子 半兩

澤瀉

桂

川牛膝

車前子

山藥

山茱萸 各二兩

牡丹皮 二兩

熟地黃 四兩

右為末煉蜜丸如梧子大每七十九空心米飲下

按此二方並出太陽例丹谿曰治水腫脾胃虛者宜

行濕利小水使脾氣得實則自能健運自能升降運

動其樞機則水自行非五苓之行水也切不可下蓋

慎之也然雖無所出之法學者觀此例則思過半矣

○雜方

嚴氏塗臍膏治水腫小便絕少

地龍

豬苓 去皮

針砂 各一兩

右為細末搗葱涎調成膏敷臍中約一寸高關絡

帛束之以小便多為度日兩易

玉機微義卷之二十二

王機微義卷之二十三

脚氣門

。辨南方脚氣所得之由

孫真人云凡四時之中皆不得久坐久立濕冷之地亦不得因酒醉汗出脫衣跣足當風取涼皆成脚氣若暑月久坐久立濕冷之地者則濕熱之氣蒸入經絡病發必熱而四肢痠疼煩悶若寒月久坐久立濕冷地者則濕冷之氣入經絡病發則四肢皆酷冷轉筋世有勤工力學之士久坐久立于濕地冷風來入經絡不覺成病也若欲使之不成病者初覺則灸所覺處二三十壯

血氣虛則痺  
唐則弱

脚氣治法  
大抵萃  
能之用例

則愈不復發執黃帝云當風取涼醉以入房能成此疾也東垣云千金外臺總錄所錄皆謂南方卑濕霧露所聚之地其民腠理踈陽氣不能外固因而侵之則清濕襲虛病起于下此由血氣衰弱受清濕之邪氣與血併行於膚腠邪氣盛正氣少故血氣澁澁則痺虛則弱故令痺弱也後人名曰脚氣針經云有道以來有道以去治之多以灸炳為佳以導引濕氣外出及飲醪醴以通經散邪所制之方寒藥少熱藥多用麻黃川烏姜附之屬內經云濕淫于內以苦發之麻黃苦溫發之者也川烏辛熱走而不能守通行經絡蓋附辛甘大熱助陽退

醫者意之隨時增損  
物盡定方誠孫氏知  
云之又云一三〇

陰亦傲清濕之邪又察足之三陰三陽是何經絡所起以引用藥為主治復審六氣中何氣客之治以佐使之藥孫真人云醫者意也隨時增損物無定方真知言哉

辨北方脚氣所得之由

發明曰異法方宜論云北方者其地高陵居風寒冰冽其俗飲潼酪而肉食凡飲潼酪者以飲多速飲為能經云因而大飲則氣逆又云食入於陰長氣於陽今乃反行陰道是為逆也夫乳酪醇酒者濕熱之物飲之屬也加以奉養太過亦滋其濕水性潤下氣不能啣故下症於足脛積久而成腫滿疼痛此飲食下流之所致也通

評虛實論云穀入多而氣少濕居下也况潼酪醇酒之濕熱甚於穀者也至真要大論云太陰之勝火氣內苑流散于外足脛胫腫飲發於中胫腫于下此之謂也故飲入於胃遊溢精氣上輸于脾脾氣散精上歸于肺通調水道下輸膀胱水精四布五經並行合於四時五臟陰陽揆度以為常也若飲食自倍脾胃乃傷則胃氣不能施行脾氣不能四布故下流乘其肝腎濕流於足脛加之房事不節陽虛陰盛遂成脚氣孫真人云古人少有此疾自永嘉南渡衣冠之人多有之亦此意也

按此言北方脚氣為脾之濕氣下乘加之房事不節而致當作內因處治可謂發病機之秘然南方是證亦莫不為下虛邪氣乘之故也以陳無擇所論外感當分風濕寒熱內臟虛實所因為治迥出于金之文何此理又不復具焉蓋北方此證殊少耳學者審是則又知南方脚氣有全非外因者焉於紫蘇子等湯例可見

○論脚氣脈證

嚴氏曰古無脚氣之說內經名厥兩漢間名緩風宋齊之後謂之脚氣名雖不同其實一也初得不覺因他病乃始發或奄然大悶經三兩日方覺之先從脚起或緩

三指卷之二十一  
弱痿痺或行起忽倒或兩脛腫滿或足膝枯細或心中  
恡悸或小腹不仁或舉體轉筋或見食吐逆惡聞食氣  
或胸滿氣急或偏體痠疼此其候之不同也其脉浮而  
弦者起於風濡而弱者起於濕洪而數者起於熱遲而  
濇者起於寒夫脚氣皆由腎虛而生然婦人亦病脚氣  
者必因血海虛乘七情遂成斯疾燕今婦人病此者衆  
則知婦人以血海虛而得之與男子腎虛類矣男女用  
藥固無異但燕以治憂志藥無不效也須量人盛衰微  
加滋補不然則氣血日衰必使年年遇蒸熱而作理之  
必然

陳無擇曰脚氣不專主一氣亦不專在一經故與中風  
寒暑濕為異耳燕有所雜生諸病未易分別須尋三陰  
三陽病所在後察脉虛實為治自汗走疰為風勝無汗  
欬急掣痛為寒勝腫滿重着為濕勝煩渴熱頰為暑勝  
四氣兼中者但推其多者為勝分其表裏以施治也脉  
浮為風緊為寒緩細為濕洪數為熱見於諸陽在外宜  
發散沉而弦者亦為風沉而緊者為寒沉細為濕沉數  
為熱見諸陰在內宜溫利之若大虛氣之間作補湯隨  
病冷熱而用之千金方論但備諸證不說陰陽經絡所  
受從何為治

按已上所言脈證但備四氣而已至於腫嫩發瘡泡為濕熱毒之勝腫而重者有濕癢勝或腫或消蕪氣不升降諸例皆所未詳陳云六經證見後各方下

○論脚氣主於水濕

發明曰夫脚氣之疾實水濕之所為也蓋濕之害人皮肉筋脈而屬於下然亦有二焉一則自外而感一則自內而致其治法自應不同故詳折而論之其為病也有證而無名脚氣之標自晉蘇敬始而關中河朔無有也惟南方地下水寒其清濕之氣中於人必自足始故經曰清濕醲虛則病起於下或者難曰今茲北方其地則

自外而入者止於下脛腫痛而致者或生於手節

風土高寒其人則腠理緻密而復多此疾者豈是地之濕氣感之而為邪荅曰南方之疾自外而感者也北方之疾自內而致者也見論其自外而入者止於下脛腫而痛自內而致者乃或至于手節也經曰足脛腫曰水太陰所至為臃腫此但言其自外者也所治之法前人方論備矣自內而致者治法則未有也

謹按前論南北二方脚氣之由已頗詳盡而發明更具此者大抵言是證主於水濕而成故重宣此義合前二論之旨也自內致者古無其法然觀東垣所出數方則意例兼備之矣

論江東嶺南瘴毒為脚氣

發明曰內經論南方者其地水土弱霧露之所聚也江東嶺南大率如此春夏之交山川蒸鬱風濕毒氣為甚足或感之遂成瘴毒脚氣其候則脚先屈弱漸至痺疼脛微腫小腹不仁頭痛煩心痰壅逆膈作寒熱使瘦不通甚者攻心而勢迫治之誠不可緩支法存所以留意經方偏善此術者豈非江東嶺表異疾得之多歟

謹按南方温熱多陰雨土濕之氣因執蒸苑人膚腠故踈豁體虛者多感此疾及有遠行足熱乃過溪澗為水寒所傷而致者至其傳變為證不一况瘴毒每平

然近江東證多主於水濕亦有夾風夾寒者其發時則或腫或痛濕熱勝者成水泡瘡或成赤腫丹毒或如疔氣攻上引下皆宜詳悉分治

論脚氣似傷寒

詳見熱門病本不同例下

論南方脚氣病禁

外臺秘要云第一忌嘔嘔則心煩煩則脚氣發又禁大語大語則傷肺肺傷亦發動又不得露足當風入水以冷水洗足兩脚脛尤不宜冷雖暑月常須着綿袴至冬寒倍令兩脛温暖微汗大佳依此將息氣漸薄損每至

禁嘔并大語

割手足甲之趣

腫後按按之法并

勞動關節養生

食後行數百步則

脚中惡氣隨散至冷

腫氣不止上之說

逆者行之之療例

疎下尚通中論

寅丑日割手足甲割少侵肉去氣夏時腠理開不宜當  
風卧睡睡覺令人按按勿令邪氣稽留數勞動關節常  
令通暢此並養生之要拒風邪之法也尋常有功每食  
後行三五百步疲倦便止脚中惡氣隨即下散雖浮腫  
氣不能上也

發明云第一凡酒及醴勿使過度過則損傷脾胃下  
症於足腫附腫遂成脚氣第二慾不可縱嗜慾則脚氣  
發凡飲食之後宜緩行如上法經云逆者行之又云病  
在脾忌濕食飽食濕地濡衣

○論脚氣疎下

楊太受云脚氣之疾自古皆尚疎下為疾壅故也然不  
可太過太過則損傷脾胃使營運之氣不能上行反下  
注為脚氣也又不可不及不及則使氣壅不得消散今  
立三方于後詳虛實而用之

按三方醫學發明謂導滯湯導引丸除濕丹例是也  
然亦大畧言尔如脚氣在表在氣血之分而疎下之  
法可例用乎

○論脚氣洗滌

活人書云凡脚氣服補藥及用湯洗滌者皆醫之大禁  
也發明謂此為南方外感濕氣乘虛襲入為腫痛而言

洗潔可吞之并說

五按卷之二十三  
非為北方內受濕氣注下腫痛而言也蓋濕氣不能外  
達宜淋滌開導泄越其邪也

論脚氣宜忌刺

楊太受云脚氣是為壅疾治當以宣通之劑使氣不能  
成壅也壅既成而盛者砭惡血而去其重熱經曰玄則  
腫熱砭射之也後以藥治之

脚氣治法

發表之劑

三因麻黃左經湯治風寒暑濕流注足太陽經腰足攣  
痺關節重痛增寒發熱無汗惡寒或自汗惡風頭疼

麻黃

乾葛

細辛

白朮

茯苓

防已

桂

羌活

甘草

防風

右咬咀每半兩入姜棗煎服

按此出太陽例治風寒濕之藥也

半夏左經湯治足少陽經為風寒暑濕流注發熱腰脇

五錢卷之二十三

脚氣

疼痛頭目眩暈嘔吐不食熱悶煩心眼痺緩緩不隨

半夏

乾葛

細辛

白木

麥門冬

茯苓

桂枝

防風

乾姜

黃芩

小草

茸草

柴胡

右吹咀每半兩入姜棗煎熱悶加竹瀝喘急加杏

仁桑白皮

按此出少陽例解風寒濕熱錯雜之邪藥也

六物附子湯治四氣流注於足太陰經骨節煩疼四肢拘急自汗短氣小便不利手足或時浮腫

附子

桂各四錢

防已四錢

甘草炙二錢

白朮

茯苓各三錢

右吹咀每半兩入姜煎服

按此出少陰例治寒濕之藥也

局方換腿丸治足三陰經為風寒暑濕之氣所乘發為攣痺緩縱上攻胸脇有背下注脚膝痠痛足心發熱行步艱辛

薏苡仁

南星

石楠葉

石斛

檳榔

萆薢

川牛膝酒浸

羌活

防風

木瓜各四兩

黃芪

當歸

天麻

續斷各一冊

右為末酒糊丸如梧子大每五十九鹽湯下

按此出厥陰例踈風勝濕藥也

五積散

方見濕門

按此出太陽例治風寒濕之劑氣血藥也

東垣當歸拈痛湯治濕熱為病肢節煩疼有背沉重胸膈不利兼遍身疼痛下注手足足脛腫痛不可忍者

方見瘡瘍門

按此出太陽例治濕熱之藥也

○攻裏之劑

宣明導水丸治脚氣肘腫疼痛或發熱濕熱盛者

按此出陽明例治濕熱之藥也

除濕丹

方並見濕門

按此出太陽例治濕透機關藥也

謹按脚氣多係濕熱為病世人用已上方每効故收入然下之法詳見前踈下論但下後便要收拾如溲之清之升之之法是已學者宜擴充焉

○發表攻裏之劑

三因大黃左經湯治四氣流注足陽明經使腰脚赤腫痛不可行大小便秘或惡聞食氣喘滿自汗

擴台更切  
引張意

細辛

茯苓

羌活

大黃煨

甘草炙

前胡

枳殼

厚朴製

黃芩

杏仁等分

右咬咀每半兩入姜棗煎

按此出陽明例治濕熱辣風導氣藥也

加味敗毒散治足三陽經受熱毒氣流注脚踝上焮赤

腫痛寒熱如瘧自汗惡風或無汗惡寒

羌活

獨活

前胡

柴胡

枳殼

桔梗

甘草

人參

茯苓

川芎

大黃

蒼朮

右各等分咬咀每半兩入姜煎

按此出少陽例治風濕熱氣血藥也

東垣羌活導滯湯治脚氣初發一身盡痛或肢節腫痛

便溺阻隔先以此藥導之後用當歸拈痛湯

羌活

獨活各半兩

防己

當歸各三錢

大黃

酒濕煨枳實炒二錢

右咬咀每五錢或七錢水煎服

按此出陽明例治風熱之藥也

○理氣之劑

濟生檳榔湯治一切脚痛順氣防壅

脚痛之時脈湧氣

防壅之方

脚氣門

檳榔 香附子 陳皮 紫蘇葉

木瓜 五加皮 甘草 炙各一兩

右吹咀每四錢或半兩入姜煎服

大腹皮散治諸脚氣腫痛小便不利

檳榔 荆芥穗 烏藥 陳皮各一兩

紫蘇葉一兩 羅白子 畔兩 沉香一兩半 桑白皮

枳殼 炒各一兩半 大腹皮 三兩 木瓜 二兩半 紫蘇子 炒

右吹咀每半兩入姜煎服

澹寮方治脚氣入腹衝心疼痛腫滿大小便秘

沉香 木香 羌活 白芍

檳榔 各五錢 甘草 撫芎 青皮

枳殼 各二錢 紫蘇葉 木瓜 各一錢 蘇子 六錢

右吹咀每半兩入姜煎服

按已上三方因於氣滯氣壅者可用故收入然不可

防壅而服大抵因氣者宜取擇焉

○理血之劑

金匱八味丸治足少陰經脚氣入腹腹脹皮痛上氣喘

急腎經虛寒所致也此證最急以腎秉心水尅火死不

旋踵

方見補虛門

按此治陰虛挾寒濕之劑也

三因神應養真丹治足厥陰經為四氣進龍左癱右瘓痰涎半身不遂手足頑麻語言蹇澀脚膝冷氣凝滯遍身疼痛

四物湯內加羌活 天麻

右為末蜜丸雞子大每丸木瓜兔絲子浸酒下

按此治血虛挾風濕之劑也

加味四斤丸治尻痿無力脚膝痠

方見痿門

按此治血虛挾風熱之劑也

○理氣血之劑

三因紫蘇子湯治脚弱上氣陰陽交錯清濁不分上重

下虛中滿喘急嘔吐自汗無復紀律

紫蘇子微炒半夏各五兩前胡

厚朴製

甘草炙當歸各二兩桂心

陳皮各二兩

右咬咀每四錢入姜棗煎服

按此出少陽例血虛氣逆者可用

○通關透肌骨之劑

三因勝駿丸治元氣不足為寒濕之氣所襲腰足攣拳脚面連指走痛無定筋脉不伸行步不隨常服益真氣

壯筋骨

附子 一枚炮

當歸 酒浸一宿

天麻

牛膝 酒浸

木香

酸棗仁 炒

熟地黃

防風 各二兩

木瓜 四兩

羌活

乳香 半兩

麝香 二錢

全蝎 炒

沒藥

甘草 炙各一兩

右為末用生地黃三斤研如泥入無灰酒四升煮爛如膏以前藥和勻杵令堅每兩作十九每丸細嚼臨睡酒下如冬月無地黃煉蜜為丸如梧子大每五十九服

按此治血虛而風寒濕勝藥也氣血之劑

疎風養血之劑

獨活寄生湯治肝腎虛弱風濕內攻兩脛緩緩手足痺弱足膝攣重

方見腰疼門

消導之劑

東垣開結導引丸治飲食不消心下痞悶

白水

陳皮

澤瀉

茯苓

神麩 炒

麥蘖曲

半夏 各一兩

枳實 炒

巴豆霜 略半青皮

乾生姜 各半兩

右為末湯浸蒸餅丸如梧子大每四五十丸或七

十九溫水下

按此治內傷飲食脾胃營運之氣有鬱不能上升下注為脚氣故用此道煎行水化脾胃氣也出太陽例然亦有致腫於身腰已上及面者意見水腫論平治法下

○雜法

洗藥道氣除濕湯

葳靈仙

防風

荆芥

地骨皮

當歸

升麻

白芍

胡蘆藥

右等分剉用水二斗煮取一斗五升去粗熱淋洗

無時候

敷藥

白芷

蒼朮

羌活

各半兩

細辛

二錢半

右為末生姜汁調敷患處

玉機微義卷之二十三

玉機微義卷之二十三

玉機微義卷之二十三

玉機微義卷之二十三

玉機微義卷之二十四

諸疝門 小腸氣附

○諸經叙疝脉證

內經曰厥陰脉滑則病狐疝少陰脉滑則病肺風疝太陰脉滑則病脾風疝陽明脉滑則病心風疝太陽脉滑則病腎風疝少陽脉浮則病肝風疝  
針經曰心脉微滑為心疝引臍少腹鳴肝脉滑甚為癩疝腎脉滑甚為癧瘻

按發明云夫滑脉關已上見者為大熱蓋陽與陽併也故大熱脉滑尺部見為大寒生癩疝滑脉者命門

包絡之名也為丙丙丁執火併於下蓋丙丁不勝壬  
癸後寒水之化也故生癩疔然滑屬陰脉也病自丙  
因寒亦與已上證同

難經曰任之為病其內苦結男子為七疝

按滑氏本義曰任脉起胞門行腹故病苦內結男為  
七疝女為瘕聚也

脉經曰腎脉大急沉為腎疝 肝脉大急沉為肝疝

心脉搏滑急為心疝 肺脉沉搏為肺疝 三陰急為

脾疝 三陰脾脉也 寸口脉弦而緊弦緊相搏則為寒

疝 跌陽脉虛遲為寒疝寒疝繞臍痛若發則白汗出

手足厥寒

諸經叙小腸氣

內經曰小腹控臍引腰脊上衝心唾出清水及為噦噫  
甚則入心善忘善悲甲乙經曰邪在小腸也小腸病者  
小腹痛引腰脊貫肝肺其經虛不足則風冷乘間而入  
邪氣既入則冷之證上衝肝肺客冷散於胸結於臍控  
引臍丸上而不下痛而入腹甚則衝於心胸蓋其經絡  
所係屬也蓋玄子曰控引也臍丸陰丸也

謹按寒邪始客於小腸因經絡並於厥陰故下控引  
臍丸為痛雖亦如疝然止言小腸氣所以古人治法

五按卷之十四 言亦尸  
往往相類但自有所兼之證殊尔

○論疝氣屬寒

原病式曰癩疝小腹控引腫急絞痛也寒主拘縮故也  
寒極而土化制之故腫滿也經言丈夫癩疝謂陰器連  
小腹急痛也故言婦人小腹腫皆肝足厥陰之脉也經  
注曰寒氣聚而為疝也又按經言五臟皆主疝但脉急  
也注言脉急者寒之象也然寒則脉當短小而遲今言  
急者非急數而洪也由緊脉主痛急為痛其病寒雖急  
亦短小也所以有痛而脉緊急者脉為心之所養也凡  
六氣為痛則心神不寧而緊急不得舒緩故脉亦從之

而見也欲知何氣為其病者適其緊急相兼之脉而可  
知也如緊急洪數則為熱痛之類也又經言脾傳之腎  
病名曰疝瘕少腹煩冤而痛出白蠱注言少腹痛溲出  
白液也一作客熱內結銷燥脂肉如蠱之食故名白蠱  
也然經之使言熱為疝瘕則亦不可止言為寒當以脉  
證別之

○論疝氣屬濕熱

丹谿曰疝痛之甚者畢丸連小腹急痛也或有形或無  
形或有聲或無聲自素問以下皆以為寒蓋經絡得寒  
收引不行所以作痛世有得寒而無疝者又必有說以

通之可也予屢踴來徒然不曾病此以予素無熱也因  
 而思此病始於濕熱在經鬱遏至久又感外寒濕熱被  
 鬱而作痛若只作寒論恐為未備或曰此證多客厥陰  
 一經濕熱之積何由而致予曰夫勞則火起於筋醉飽  
 則火起于胃房勞則火起于腎大怒則火起於本經火  
 鬱之久濕氣便盛濁液凝聚并入血隧流於厥陰肝屬  
 木性速急火性暴為寒束宜其痛甚而暴也愚見古方  
 以烏頭梔子等分作湯用之其効亦速後因此方隨形  
 證加減無有不應又瀕分濕熱多少而治之但腫多為  
 濕癩是也却有水氣而腫又有挾虛而發者當以參朮  
 為君而佐以疎導診其脉沉緊而豁大者是也若不以  
 補劑而行决裂之法禍不旋踵

○論亦證有寒有熱

發明曰經云三陽為病發寒熱下為壅腫及為痿厥喘  
 瘕其傳為索澤其傳為癩疝夫熱在外寒在內則累蛭  
 此九夏之氣也寒在外熱在內則卵縮此三冬之氣也  
 足太陽膀胱之脉逆上迎手太陽小腸之脉下行至足  
 厥陰肝之脉不得伸其任脉並厥陰之脉逆則如巨川  
 之水致陽氣下墜是風寒濕熱下出囊中致兩辜腫大  
 謂之曰疝大甚則為癩足厥陰肝之脉與大腸膀胱寒

三卷之二四  
言九門  
水之脉同至前陰之末傷寒家說足厥陰肝經為病煩  
滿囊縮急下之宜大承氣湯以瀉大熱靈樞經云足厥  
陰肝經筋中以為寒則筋攣引縮為大寒前說囊縮為  
大熱此說為大寒此說囊縮垂墜下引癩疝脚氣為大  
寒風濕盛下垂為寒與上二說不同

按釋云以平康不病之人論之夏暑大熱囊引垂  
冬天大寒急縮收上與前三說又不同何也是相乖  
耶不相乖耶答曰傷寒家囊引縮大熱在內宜承氣  
湯急下之與經筋說囊引縮大寒在外亦是熱在內  
與傷寒家同故再引平康之人以證之冬天陽氣在

內陰氣在外人亦應之故寒在外則皮急皮急則囊  
縮夏月陰氣在內陽氣在外人亦應之故熱在外則  
皮緩皮緩則囊垂此癩疝之象也三說文殊皆一理  
也用藥者詳而審之故已上三論各有所主兼此考  
訂則脉證陰陽寒熱虛實之異判然矣

○論疝分三因

陳無擇曰經云七疝諸疝等更不見名狀但出寒疝癩  
疝而已唯大奇論列五臟脉為五疝見云大抵血因寒  
泣則為癩氣因寒聚則為疝但五臟脉理不同不可不  
辨且腎脉本沉心脉本滑受寒則急於理乃是肝脉本

血凝為脈  
九聖為疝  
福

弦脈本澇並謂之沉未為了義又脾不出本脈但云  
 急為疝亦文義之缺也凡云急者緊也緊為寒亦可類  
 推且賊風入腹亦為疝冒暑癢濕皆能為疝當隨四氣  
 變易風則浮弦暑則洪數濕則緩細於理明要知疝雖  
 兼臟氣皆外所因也寒泣風散暑鬱濕着絞刺擊搏無  
 有定處倉卒之際痛不堪忍世人稱為橫痃豎弦膀胱  
 小腸氣賊風入腹等名義不同證狀則一

按此辨脈證之異頗詳但溫寒散風利暑燥濕之方  
 未積備然陳氏具此意蓋欲學者自擴充尔

○論疝氣不宜預補

許學士云大抵此疾因虛得之不可以虛而驟補經云  
 邪之所湊其氣必虛留而不去其病則實故必先滌所  
 畜之執然後補是以諸方多借巴豆氣者蓋謂此也  
 謹按疝證雖始為因虛而得必邪實迫痛而未下故  
 當先瀉而後補也至有虛甚迫痛上為吐逆或下有  
 遺精者此邪實正虛之甚矣此欲不補可乎但恐補  
 之則無益瀉之則正氣轉陰幸而獲生者鮮矣

○論疝本肝經宜通勿塞

子和曰疝有七前人論者甚多非靈樞素問銅人之論  
 予皆不取非予好異也但要窮其原耳俗工不識因立

三卷之二十四 言五門  
誤名或曰膀胱或曰腎余或曰小腸氣立名既誤併喪  
其實何哉蓋醫者既斷為膀胱腎余小腸氣必曰虛寒  
所致其藥之用也不附子烏頭則乾姜官桂之類餌之  
曾無殊効浸成太錯曾無覺者豈知諸疝皆歸肝經其  
奈庸流歸之小腸脬囊夫膀胱水府專司滲泄小腸水  
道專主通流腎為少陰總統二水人之小洩自胃入小  
腸滲入膀胱脬者脬囊也氣化則水出莖端此常道  
也及其為疝乃屬足厥陰肝經蓋環陰器而上入小腸  
者足厥陰肝經也夫肝腎皆屬子下與衝任督相附然  
靈樞經言足厥陰肝經病則有遺溺癃閉狐疝主腎與

膀胱小腸三經則不言疝是受疝之處乃肝之部分也  
且內經男子宗筋為束骨之會也而肝主筋莖者囊中  
之丸雖主外腎非厥陰環而引之與王莖無由伸縮在  
女子則為篡若其內外為二其一曰廷孔其二曰窈漏  
此是厥陰與衝任督之所會也靈樞言足厥陰之經筋  
聚于陰器其病傷於寒則陰縮入傷於熱則縱挺不收  
治在行則漬陰器故陽明與太陰厥陰之筋皆會于陰  
器惟厥陰主筋故為疝者必本之厥陰靈樞又言足厥  
陰之別名曰蠡溝去內踝五寸別走少陽循脛上莖結  
於莖其病氣逆臑腫卒疝實則挺長虛則暴痒取之所

別矣豈非厥陰為受病之處耶靈樞又言邪在小腸連  
 蹇係屬於腎貫肝絡肺心氣盛厥逆上衝腸胃燻肝  
 散於盲結於臍故取之盲原以散之刺太陰以平之取  
 厥陰以下之取巨虛下廉以去之按其所遇之經以調  
 之此其初雖言邪在小腸至其治法必曰取厥陰以下  
 之乃知諸疝關於厥陰可以無疑以脉考之素問論六  
 疝雖見於他脉中皆言風疝者足厥陰肝經之氣也靈  
 樞亦云五臟脉之疝皆以滑為疝也三陰急為疝三陽  
 急為瘕王太僕云太陽受寒血凝為瘕太陰受寒氣聚  
 為疝此言太陰受寒傳之肝經也可以溫藥逐之不可

溫可逐之  
 不可補  
 溫法

以溫藥補之若補之者是欲病去而強挽留之也厥陰  
 春二陽為病發寒熱其傳為癰疝此亦言膀胱非受  
 病之處必傳於厥陰部分然後為疝也又言病在少腹  
 腰痛不得大小便病名曰疝得之寒言脉急者曰疝瘕  
 少腹痛凡言少腹者豈非厥陰之部分耶又言脾風傳  
 胃名曰疝瘕此謂非肝木不能為風氣名曰厥疝蓋脾  
 土虛而不能制水又為肝木所凌也又言督脉為衝疝  
 蓋厥陰與衝任督俱會於前陰也豈不明哉又嘗徧閱  
 銅人俞穴亦相表裏惟厥陰言疝獨多為疝之主也其  
 它經穴雖亦治疝終非受疝之地但與足厥陰相連耳

王極卷之二十四 言厥目  
如運氣或在泉寒勝木氣鬱結於此經或曰天燥勝  
木氣抑鬱於此經或忿怒悲哀憂抑頓挫結於此經或  
藥林外固閉尾縮精壅於此經其病差別如此且夫遺  
溺閉滯陰痿痔瘡精滑白淫皆男子之疝也不可妄歸  
之腎冷血涸不月月罷腰膝上熱足覺嗑乾滯閉少腹  
有塊或定或移前陰突出後陰痔核皆女子之疝也但  
女子不謂七疝而謂之瘕若年少而得之不計男子婦  
人皆無子故隱蔽委曲之事不于脾胃小腸之事乃  
足厥陰肝經之職也奈俗方止言脾胃小腸殊不知肝  
木一旬感人甚矣且肝經乙木也木屬東方為心火之

疝疝 肝木受邪耶  
肝木自甚耶

下去其病之後可  
調則調可補則補  
不可拘信法之說

毋也凡疝者非肝木受邪則肝木自甚也不可便言虛  
而補之難經所謂東方實西方虛瀉南方補北方此言  
瀉火木自平金自清水自王也七疝下去其病之後可  
調則調可補則補各量病勢勿拘俗法經所謂陰盛而  
腹脹不通者癰瘕疝也不可不下

七疝名狀

寒疝其狀囊冷結硬如石陰莖不舉或控辜丸而痛得  
於坐卧濕地或寒月涉水或冒雨雪或坐卧碑石或風  
冷處使內過勞宜以溫劑下之久而無子  
水疝其狀腎囊腫痛陰汗時出或囊腫而狀如水晶或

漏針法在茲

囊痒而操其黃水或少腹中按之作水聲得於飲水醉  
酒使內過勞汗出而遇風寒濕少氣聚於囊中故水多  
令人為卒疝宜以逐水之劑下之有漏針去水者人多  
不得其法

筋疝其狀陰莖腫脹或潰或膿或痛而裏急筋縮或莖  
中痛痛極則痒或挺縱不收或白物如精隨洩而下  
而得於房室勞傷及邪術所使宜以降心之劑下之  
血疝其狀如黃瓜在少腹兩傍橫骨兩端約中俗云便  
癰得於重感春夏大燠勞於使內氣血流溢滲入腠囊  
留而不去結成癰腫膿少血多宜以和血之劑下之

氣疝其狀上連腎區下及陰囊或因號哭忿怒則氣鬱  
之而脹怒哭號罷則氣散者是也有一治法以針出氣  
而愈者然針有得失宜以散氣之藥下之或小兒亦有  
此疾俗曰偏氣得於父已年老或年少多病陰痿精怯  
強力入房因而有子胎中病也此疝不治惟築實一穴  
言之

狐疝其狀如瓦卧則入小腹行立則出小腹入囊中狐  
則晝出穴而溺夜則入穴而不溺此疝出入上下往來  
正與狐相類也亦與氣疝大同小異今人帶鈞鈴是也  
宜以逐氣流經之藥下之

小兒疝因父病

經余戰切日免  
前後垂

女子陰戶突出目治

厥陰一經受邪尤  
宜用攻下之法若少  
陰腎經俱受病宜  
詳審之說

三按者之二十四  
言元月  
癩疝其狀陰囊腫縮如斗不痒不痛是也得之地  
氣卑濕所生故江淮之間湫塘之處多感此疾宜以去  
濕之藥下之女子陰戶突出雖亦此類乃熱則不禁固  
也不可便謂虛寒而澁之燥之補之本名曰癩宜以苦  
下之以苦堅之

按已上所論病本經絡之原至為詳盡但七疝名固  
不同治法當異然俱用攻下之法愚切疑焉雖錢仲  
陽亦曰肝為相火有瀉無補丹谿有曰肝只是有餘  
腎只是不足夫厥陰一經受疝宜通勿塞固宜亦當  
視其淺深而行之可也況有邪氣止容於膀胱小腸

之經者若干於少陰腎經則宜通勿塞之法可例用  
乎

諸疝治法

○治寒之劑

金匱烏頭桂枝湯治寒疝腹中痛逆冷手足不仁若身  
疼痛灸刺諸藥不能治者

烏頭蜜一斤煎減 桂枝湯煎解

右每服三合不知二合其知者如醉狀得吐者為

中病也若自汗出脉沉弦者止用烏頭煎  
按此用桂枝因身疼痛兼表有寒也太陽例藥

三因大烏頭桂枝湯治風寒疝氣腹中刺痛手足不仁  
身體拘急不得轉側或致陰縮

大烏頭

五箇去枝尖  
蜜煎過銚切

桂心

白芍

各三錢

甘草一錢

右以咀每四錢入姜棗煎服

補腎湯治寒疝入腹小腹疼痛時復泄瀉胸膈痞塞

人參

茯苓

黃芪

附子炮

白朮

各一兩

沉香四錢

木瓜

一兩半

羌活半兩

甘草炙

川芎各二錢

紫蘇三錢

右以咀每三四錢入姜棗煎服

局方奪命丹治遠年近日小腸疝氣偏墜搐疼臍下撮

痛以致悶亂及外腎腫硬白漸滋長陰間濕痒抵成瘡

吳茱萸

淨一斤四兩用酒醃湯罨寫二兩  
童便各浸過一宿焙乾

右為細末酒煮麩糊丸如梧子大每五十九空心

鹽湯下

茱萸內消丸治腎經虛弱膀胱為邪氣所搏結成寒疝

陰癰偏大

山茱萸

去核 陳皮

吳茱萸

馬兜羅花

木香

肉桂

山藥

川練子

青皮

茴香

右為末酒糊丸如梧子大每五十九空心溫酒送

下

百一選方十補丸治小腸寒疝

附子一兩用防風一兩剉並四兩黑

萌蘆巴

木香

巴戟肉

川棟肉

官桂

玄胡

萆登茄

舶上茴香

破故

右為末糯米粉酒打糊丸如梧子大朱砂為衣每五十九空酒下

葫蘆巴丸治小腸氣蟠腸氣奔豚疝氣偏墜陰腫小腹有形如卵上下来去痛不可忍或絞結透臍攻刺嘔吐者

葫蘆巴炒二片

大巴戟炒二兩

六川練子炒二兩

川烏炮去六兩

茴香炒二兩

吳茱萸炒十兩

湯洗七次

右為末酒糊丸如梧子大每十五至二十九空心

溫酒下

按此與前方加減不同故兩存之

寶鑑沉香桂附丸治中氣虛弱其脾胃虛寒臟腑積冷心腹疼痛手足厥逆冷便利無度七疝引痛不可忍喜熱熨少緩者

沉香

附子炮

川烏炮

乾姜炮

良姜

官桂

茴香炒各一兩

吳茱萸湯洗去苦水兩

右為末好醋煮糊丸如梧子大每五十九至七十八丸空心米飲下

按已上諸方並太陽例藥然初感寒邪所致或素虛寒之人宜此劫之皆可但久病者多有濕熱寒濕血虛等證之變而用者自宜詳審

○治濕之劑

元戎加味五苓散治疝氣卒痛小便澀

本方加川棟一分

右為末空心米飲調下一二錢

按此滲洩之劑也

○攻下之劑

局方三白散治膀胱蘊熱濕熱相乘陰囊腫脹大小便不利

白牽牛二兩

棗白皮炒

水通

白水

陳皮各半兩

右為末每二錢姜湯調下空心服

復元通氣散

舶上茴香

川山甲各粉炒

牽牛末炒

陳皮

玄胡

甘草炒各

木香一兩半

右為細末每二錢熱酒調下食前服

戴人禹功散

黑牽牛頭末四兩茴香炒一兩

右為末以生姜自然汁調一二錢臨睡服或加白朮一兩

寶鑑控引翠丸治小腸病結上而不下痛引心臆

茴香

棟實各炒

石茱萸

陳皮各一兩

馬蘭花

醋炒一兩 芫花醋炒半兩

右為末醋糊丸如梧子大每十九至二十九空心

溫酒送下

茴香棟實丸治陰疝痛不可忍及小腸氣痛

川棟炒

茴香炒

青皮

陳皮

羌花醋炒

山茱萸

石茱萸

吳茱萸

馬蘭花各等分

右為末醋糊丸如梧子大每三十九溫酒送下食

前服

天台烏藥散治小腸疝氣牽引臍腹疼痛

烏藥

木香

茴香炒

青皮

良姜炒各半兩

檳榔二箇

川棟一箇

巴豆七十粒

右先以巴豆微打破同川棟麩炒黑去麩及巴豆

不用外餘藥同末酒調下一錢甚者姜酒亦得

按已上諸方並下氣之藥也治寒之例宜隨輕重取  
擇

○濕熱之劑

濟生葵子湯治膀胱實熱腹脹小便不通口舌乾燥

赤茯苓

猪苓

葵子

枳實

瞿麥

木通

黃芩

車前子

滑石

甘草

等分

右咬咀每半兩入姜煎空心服

按此八正散加減法也求類錄方例為治疝之劑頗  
有理故收入

子知導水丸

方見濕門

按此陽明例藥也然濕熱鬱結於下焦非此莫能療

氣血皆可用

○冷熱之劑

寶鑑差蘗湯治陰疝疼痛

羨蘗

去刺

附子

梔子

去皮各半兩

右為末每三錢水煎食前溫服

丹谿方定疝氣疼痛速効

枳殼

山梔子

唐菖子

吳茱萸

略

荔枝核

右為末用長流水調下一二錢空心服

又方治陽明受濕熱傳入太陽惡寒發熱小腹連毛際結核悶痛不可忍

梔子炒 桃仁炒 枳殼炒 唐棗子等分

右為末於砂鉢內入姜汁用水一中盪起煎熱服按已上太陽例藥也

○理氣之劑

局方蟠葱散治寒疝氣衝心疼痛

玄胡 蒼朮 甘草各半斤 茯苓

蓬朮 三棱 青皮各兩 丁皮

砂仁 檳榔各四兩 桂 乾姜二兩

右為末每服二錢入連鬚葱二莖水煎空心服

薑煎散治冷疝寒氣卒痛

草果 砂仁 檳榔 厚朴

肉豆蔻 羌活 蒼朮 陳皮

單澄茄 枳殼 良姜 茯苓

茴香 大麥蘖 川芎 甘草各二兩

右咬咀或散每半兩水煎入鹽少許

按此二方並潔脾胃導氣之藥劫劑也世俗多用之故

收入

醫方類聚卷之二十四 皆五月 十一

寶鑑川苦棟散治小腸氣痛不可忍

廣木香

茴香

鹽一捻炒去  
鹽各一兩

大川棟子

一兩對用巴豆十粒  
破皮同炒黃去豆

右為細末每二錢溫酒一盞空心調下

按此導手太陽寒氣之變較之前二方治疝此殊有

理

○理血之劑

金匱當歸生姜羊肉湯治寒疝腹中痛及脇痛裏急

當歸 三兩

生姜 五兩

羊肉 一斤

右三味以水八升煮取三升溫服七合日三若寒  
多加生姜嘔者加陳皮二兩白朮一兩

蜘蛛散治陰狐疝氣而有大小時時上下

蜘蛛 十四枚熬其  
桂枝半兩

右二味為散取八分七飲和服日再服蜜丸亦可

三因失笑散治小腸氣痛

五靈脂

蒲黃 等分

右為末每二錢先用醋一合熬成膏水一盞煎

○理氣血之劑

本草方立效散

川芎

川棟子

青皮

舶上茴香

牽牛炒

桃仁各一兩

右為末每二錢無灰酒一盞煎食前溫服

三因葱白散治一切冷疝疼痛

川芎 當歸 枳殼炒 厚朴炒

官桂 青皮 乾姜 茴香炒

茯苓 川練子 麥蘗炒 神麩炒

三稜炮 義木煨 熟地黃 白芍

木香 人參各一兩

右咬咀每三錢葱白二寸水煎鹽少許空心服

東垣丁香棟實丸治男子七疝痛不可忍婦人瘦聚帶

下皆任脉所主陰經也乃腎肝受病故治同法

當歸 附子炮 茴香炒 川棟各一兩

右各剉細用好酒三升同煮盡為度焙乾作細末

每藥末一兩入丁香 木香 各半錢 玄胡索 五錢

全蝎 十三箇

右為末入在煎藥末內拌勻酒糊丸如梧子大每

二十九加至百丸空心溫酒送下

按已上方與前理血之劑並厥陰例藥也然諸經論

疝主於風蓋指厥陰風木之氣尔故疝病則多痛痛

亦木氣之實即風象也但古今方多主寒主氣論治

然行者不容氣寒淺深之異以分治則不能不無差

凡疝氣指厥陰風木  
之實論也然諸經論  
疝主於風蓋指厥陰  
風木之氣尔故疝病  
則多痛痛亦木氣之  
實即風象也但古今  
方多主寒主氣論治  
然行者不容氣寒淺  
深之異以分治則不  
能不無差

熨  
又符物  
熨  
包熨

悞也觀東垣之法庶幾近理大抵亦不可視為常例  
蓋腎惡燥恐久則反增其勢矣

○ 熨法

嚴氏云鹽半斤炒極熱以故帛包熨痛處

一法用葱白泥一握置臍中上用熨斗熨之或上置艾  
灼之妙

王機微義卷之二十四

王機微義卷之二十五

反胃門 噎膈同附

○ 反胃脈法

難經云脈格則吐逆 見淋闕門

脈經云緊而滑者吐逆小弱而澹胃反

千金云寸緊尺澹其人胸滿不能食而吐吐止者為下  
之故不能食設言未止者此為胃反故尺為微澹

○ 叙吐脈證

金匱云病人脈數數為熱當消穀引飲而反吐者以發  
其汗令陽微暘氣虛脈乃數數為客熱不能消穀胃中

虛冷故也。脈弦者虛也。胃氣無餘，朝食暮吐，變為胃反。寒在於上，醫反下之，今脈反弦，故名曰虛。

跌陽脈浮而濇，浮則為虛，濇則傷脾。脾傷則不磨，朝食暮吐，暮食朝吐，宿穀不化，名曰胃反。脈緊而濇，其病難治。

○論嘔噎治病之因

丹谿云：胃為水穀之海，脾為消化之器，清和則健而運，行世人以痰飲嘔吐諸氣多服香熱之藥，偏助氣血沸騰其始也。胃液凝聚其久也。脾氣耗敗，傳化漸遲，又以烏附丹劑服之，積久血液俱耗，胃腕乾槁，其槁在上近

咽之下，水飲可行，食物難入，問或可入，入亦不多，名之曰噎。其槁在下，與胃為近，食雖可入，難盡入，胃良久復出名之曰膈。亦曰反胃，大便秘小，若羊屎然，名雖不同，病出一體。或曰千金治噎膈反胃，未嘗廢姜桂等藥。何吾子之多言也。予曰：氣之鬱滯，久留清道，非借香熱不足以行。然悉有大黃石膏竹茹芒硝澤瀉前胡朴硝茯苓黃芩芍藥瓜蒌等藥為之，佐使其始則同，其終則異也。病邪易伏，其病自安。

○論五噎五膈

嚴氏云：三因五噎五膈者，由喜怒不常，七情傷於脾胃。

噎膈大抵之治法詳  
之全無常有上九結  
疎之回直詳書心也

鬱而生痰痰與氣搏升而不降飲食不下蓋氣留於咽  
膈者則成五噎結於胸膈者為五膈五噎之名憂思勞  
食氣也五膈之名憂思寒熱氣也其病令人胸膈痞悶  
嘔逆噎塞妨礙飲食治法調順陰陽化痰下氣陰陽平  
勻氣順痰下則病無由作矣

按膈噎之證皆由氣聚成積自積成痰痰積之久血  
液俱病以其為病在咽在膈故前人立膈噎二者之  
名二因方又分五噎五膈病狀從有其名為治則一  
而已故不叙焉又嚴氏為化痰下氣之說夫氣之不  
下痰之不化必有為病之因苟不治其本而專以香

燥之藥治其標痰氣何由而自下也

○論三陽結為膈病

子和云內經曰三陽結謂之膈三陽者大小腸膀胱也  
結謂熱結也小腸熱結則血脈燥大腸熱結則不圓膀胱  
熱結則津液涸三陽既結則前後閉澀下既不通必  
反上行所以噎食不下縱下而復出也此陽火不下推  
而上行也故經曰少陽所至為嘔涌溢食不下此理明  
矣後世強分為十膈五噎其必既多其惑滋甚人之益  
食初未遽然也或傷酒食或胃熱欲吐或胃風欲吐醫  
者不察本原投下香桂胡椒丁香之屬設如傷酒傷食

此病根三陽之結  
耳後世強為十膈  
五噎殊其惑甚

潮字有逆上之意

緩漸治法

專禁巴豆之說

世俗言胃冷用熱藥

又和明并俗誤而  
但用藥者指氣  
是亦失之大峻

上嗝下塞兩處陰陽  
氣血并論皆由陰  
中伏陽之云

王梅君卷之二十五

及胃門

正可攻逐豈可言虛便將熱補素熱之人三陽必結食  
必上潮醫氏猶云胃寒不納燔針灼艾三陽轉結歲月  
弥深遂成噎病世傳五噎寬中散有姜有桂十膈散有  
附有烏其可用乎今代劉河間治膈氣噎食承氣三湯  
獨超近代用藥之時更詳輕重假如關久宜先潤養不  
若湯丸累累如之關局自透其或咽噎上阻痰涎微用  
酸苦涌出因而治下藥勢易行設或不行蜜鹽下導結  
散湯消飲食自下莫將巴豆耗却天真

按此論三陽結為膈病力闢世俗言胃冷用熱藥之  
誤可謂明矣但用藥專指承氣而言則失之太峻蓋

此藥有實熱者可用之其有脾胃衰虛并血液枯竭  
之人皆在所禁也

○論噎為諸氣所致

緘經曰怒氣所至食則氣逆而不下勞氣所至為咽噎  
病為喘促思氣所至為中痞三焦閉塞為咽噎不利

○論噎塞由陰中伏陽所致

發明曰噎者六腑之所生陽也氣也塞者五臟之所生  
陰也血也二者皆由陰中伏陽而作也

謹按噎為七情所發或因三焦傳化失常所致此即  
主於氣也或血液所虧胃脘乾槁或血積所致即皆

始由氣致者從氣治  
如由血致者從血治  
倒用香熱之劑及耗  
氣血成危証非歎

上焦吐氣法(天陽)

中焦吐積法(陰陽)

下焦吐矣法(地陰)

以上三焦証治微明

因於血也塞猶填塞不通之義故發明有治幽門不通噎塞不便通幽湯例蓋陽無陰不能施化陰之失位而陽伏其中傳化不變而反上行矣然人有所擊撲墜跌內致血瘀忽即吐而食不能納此由氣血俱傷所可見也大抵始由氣致者初當從氣治之由血致者當從血治之豈可類用香熱之劑反耗氣血耶但世俗拘泥不能究乎病情遂成危証也悲夫

治吐分三焦法

病機云治吐有三氣積寒也皆從三焦論之上焦吐者皆從於氣氣者天之陽也其脈浮而洪其證食已暴吐

渴於飲水大便燥結氣上衝胸發痛其治當降氣和中  
中焦吐者皆從於積有陰有陽食與氣相假為積而痛其脈浮而匿其證或先痛而後吐或先吐而後痛治法當以小毒藥去其積檳榔木香行其氣下焦吐者皆從於寒地道也其脈沉而遲其證朝食暮吐暮食朝吐小便清大便秘而不通治法當以毒藥通其閉塞溫其寒氣大便漸通復以中焦藥和之不令大便秘結而自愈也

按此分三法治吐以上焦為陽陽主熱下焦為陰陰主寒中焦為寒熱相半之分有陰而有陽此亦大畧

食不覺有火之相  
上逆欬  
食入及出無少之居火  
減耗乎

噎病之因治雞峯  
明句

之法耳蓋以其在上者則食已而暴吐在下者則食  
久而始吐久暴之間所以為寒熱之別難專以上下  
為寒熱之別也王冰曰食不得入是有火也食入反  
出是無火也與此同意又原病式曰嘔涌溢食不下  
火氣炎上胃膈熱甚則傳化失常故也

○論治噎之法并治驗

丹谿曰或云胃脘乾槁其治可得用乎予曰古方用人  
參以補肺御寒以解毒竹瀝以清痰乾姜以養血粟米  
以實胃蜜以潤燥正是此意張雞峯亦曰噎當是神思  
間病惟內觀自養可以治之此言深中病情治法亦為

近理夫噎病生於血乾夫血陰氣也陰主靜內外而靜  
則臟腑之火不起而金水二氣大勝陰血自生腸胃津  
潤傳化合宜何噎之有因觸類而長之曾製一方治一  
中年婦人以四物湯加和白陳皮去皮留尖桃仁生甘  
草酒紅花濃煎入馱尿飲以防其或生虫也與數十貼  
而安又台州一匠者年僅三十勤於工作而有艾妻且  
喜酒面白其脉濇重則大而無力令謝去工作卧於牛  
家取新温牛乳細細呷之每頓盡一杯一晝夜可五七  
次盡却食物以漸而至八九次半月大便潤月餘而安  
或口乾蓋酒毒未辭間飲甘蔗汁少許或又曰古方治

古人論此非以為定  
規之并例

隔噎未不言寒者何也予曰古人著方必為當時抱  
病設也其證實因於寒故用之得効非以為定式也但  
今人為深此病率因痰氣久得醫藥傳變而成其為無  
寒也明矣

謹按反胃之證其始也或由飲食不節痰飲停滯或  
因七情過用脾胃內虛而作古方不察病因悉指為  
寒用香燥大熱之藥治之夫此藥止能逐寒邪行滯  
氣其於飲食痰積豈能祛逐七情之火反有所熾脾  
胃之陰反有所耗是以藥助病邪日以深痼其中病  
情丹谿先生言之詳矣夫治此疾也咽噎閉塞胸膈

諸証之治法甚詳  
補氣而自運  
滋潤血自行  
之妙法

痞悶似屬氣滯然有服耗氣藥過多中氣不運而致  
者當補氣而自運大便燥結如羊矢似屬血熱然服  
通利藥過多致血液耗竭而愈結者當補血潤血而  
自行有因火逆衝上食不得入其脉洪大有力而數  
者或痰飲阻滯而脉結澹者當清痰泄熱其火自降  
有因脾胃陽火亦衰其脉沉細而微者當以辛香之  
藥溫其氣仍以益陰養胃為主非如局方之惟務  
燥烈也若夫不守戒忌厚味房勞之人及年高無血  
者皆不能療也

反胃治法

○和中利痰散氣之劑

金匱大半夏湯治胃反嘔吐者千金云治反胃不受食食入即吐

半夏二升 人參三兩 白蜜一升 千金有白木生姜

右以水一斗二升和蜜揚之二百四十遍煮藥取一升半溫服一升再服

茯苓澤瀉湯治胃反吐而渴欲飲水者

茯苓半斤 澤瀉四兩 甘草 桂枝各二兩

白木三兩 生姜四兩

右水一斗煮取三升內澤瀉再煮取二升半溫服

八合日二外量有小麥一升

按已上二方兼出太陰嘔吐噦例藥也

病機和中桔梗湯治上焦氣熱上衝食已暴吐脉浮而

洪

桔梗一兩半 半夏曲二兩 陳皮去白 枳實炒各二兩

白茯苓一兩 白木一兩半 厚朴一兩 黃法如前

右咬咀每服一兩取清溫調木香散二錢隔夜空

服三服之後氣漸下吐漸止然後去木香等末每

料中加芍藥二兩黃芪二兩半服之病愈即已如

上焦吐証治法

大便燥硬食不盡下以大承氣湯去硝微下之少利為度再服前藥補之

木香散方檳榔木香各等分為末

按此太陰陽明經藥也

○治風木之劑

病機青鎮丸治上焦吐頭發痛有汗脉弦

柴胡二兩

黃芩七錢半甘草半兩

人參五分

青黛二錢半

右為細末姜汁浸蒸餅為丸如桐子大每服五十丸生姜湯下食後服

按此少陽經藥也

金花丸治吐食而脉弦者由肝乘於脾而吐宜治風安

脾

半夏一兩

檳榔二錢

雄黃二錢半

右為細末如上法丸姜湯下從少至多漸次服之

按此厥陰例藥也青鎮丸治肝火之藥金花丸治風痰乘於脾胃之藥故總入風木之劑

○治熱踈下之劑

金匱大黃甘草湯治食已即吐者

大黃四兩

甘草一兩

右水三升煮取一升分溫再服

按此出太陰嘔吐噦例藥也

病機荆黃湯治暴吐者上焦熱氣所衝也脉浮而洪

荆芥穗一兩人參五錢

甘草二錢半大黃三錢

右為粗末都作一服水煎去滓調檳榔散二錢空

心服

檳榔散方檳榔二錢木香一錢半輕粉少許為丸亦可

按此厥陰陽明太陽經藥也

發明人參利膈丸治胸中不利痰嗽喘滿利脾胃壅滯

治膈氣聖藥

木香

檳榔七錢半人參

當歸

藿香一兩

甘草

枳實各一兩

大黃酒浸

厚朴

製二兩

右為末滴水丸如桐子大溫水送下

按此太陰陽明經藥也

○治寒之劑

病機紫沉丸治中焦吐食由食積與寒氣相假故吐而

痛

半夏曲

代赭石

砂仁各三錢

杏仁

沉香

木香

白木各一錢丁香

烏梅肉 檳榔各二錢 橘皮 五錢 肉果 五分

巴豆霜 五份 另吩

右為末入巴豆霜令勻醋糊為丸如黍米大每服五十九食後柿霜湯下吐愈則止

按此太陰陽明經藥也

厚朴丸主翻胃吐逆飲食噎塞氣上衝心腹中結疾

厚朴

黃連二兩半 吳茱萸 湯洗 七次 紫苑

葛蒲

柴胡

桔梗

茯苓

皂角 炙

桂枝

乾姜 炮

巴豆霜

蜀椒 炒出汗

人參各半兩

川烏頭 炮去皮 破 二兩半

右為細末入巴豆霜令勻煉蜜為劑旋丸如桐子

大每服三九漸次加之以利為度姜湯下春夏加

黃連 二兩 兩秋冬加厚朴二兩

按此太陰陽明厥陰經藥也

理氣之劑

嚴氏五噎散治五噎食不下嘔啞痰多咽喉噎塞

人參

半夏

桔梗 炒

白豆蔻

木香

杵頭糠

白木

畢澄茄

沉香

枇杷葉

乾生姜 各一兩

甘草 炙 半兩

右為細末每服二錢入生姜七片煎服

五膈散治五膈胸痞悶諸氣結聚肋脇脹滿痰逆惡心

枳殼炒 木香 青皮 大腹子

白木 半夏曲炒 丁香 天南星

乾姜炮 麥蘗炒 草果仁各一兩 廿草炙半兩

右為細末每服二錢入姜水煎

局方五膈寬中散治七情四氣傷于脾胃以致胸膈痞

滿停痰氣逆遂成五膈之病

青皮 陳皮 丁香各四兩 厚朴製一兩

甘草炙五兩 白豆蔻二兩 香附炒 砂仁

木香各三兩

右為細末每服二錢姜盪湯點服

按已上三方並太陰陽明經藥也

謹按反胃諸方古方悉是香燥大熱之藥皆不足為

法今姑具一二至於丹鉛所言補血益陰潤燥和胃

調中等藥雖無其方自宜隨證用之觀其立論則思

過半矣

○雜方

燒針丸 方見小兒門

王機微義卷之二十五

古方偏執香燥大  
熱  
丹溪立補血益陰  
潤燥和胃調中論而  
至益其方隨証  
用之誠可笑

王機微義卷之二十六  
八胃門  
十一

王機微義卷之二十六

大脹滿門

諸經叙脹所因

針經曰夫脹者皆在于臟腑之外排臟腑而郭胸脇脹皮膚故命曰脹或厥氣在下榮衛留止寒氣逆上真邪相攻兩氣相搏乃合為脹也

按論中備五臟六腑發脹為諸證宜說本文

內經曰諸腹脹大皆屬於熱 腹滿膜脹支膈眩脇下

厥上冒過在太陰陽明乃寒濕鬱遏也

原病式曰腹脹大鼓之如鼓氣為陽陽為熱氣甚則如

三機卷之二十六  
長篇門

是也

○脉法

針經曰其脉大堅以瀉者脹也

脉經曰關上脉虛即脹內遲而滑者脹脉盛而緊者脹

嚴氏曰脹脉浮者易治虛者為難

○論脹分三因

陳無擇云臟氣不平勝乘相因為病如怒傷肝肝剋脾脾氣不正必脹於胃名曰勝剋怒乘肺氣不傳必脹於大腸名曰乘剋憂思結聚本臟氣鬱管內所因或因寒暑風濕隨經絡傳至陽明致脹者屬外因飲食饜飽生冷甜膩聚結不散或作疔塊膨脹滿悶屬不內外因也

按此論肝木勝乘脾肺為脹滿即東垣所謂脾胃之土不足火木大勝致脹也此不言火况怒傷肝者豈無火動耶所出大半夏湯以桂附中加參歸以調血氣言其脉弦遲恐非肝氣剋脾臟閉腑鬱病也

○論腹脹屬濕

內經云太陰所至為畜滿又云太陰所至為中滿霍亂吐下又云諸濕腫滿皆屬脾土

治脹宜用辛熱  
有輕重之分

按發明辨云脾為陰中之太陰又云脾為陰中之極陰乃為坤元亘古不遷之土天為陽也火也地為陰也水也在人則為脾同陰水之化脾有餘則腹脹食不化故無陽則不能化五穀脾盛乃大寒為脹滿故脉經云胃中寒則脹滿大抵此病皆水氣寒濕為之也治宜大辛熱之劑如土爰於雨水中則為泥矣豈能生化萬物必待和風暖日濕去陽生自然長生矣脾濕有餘無陽則不能化五穀所以宜辛熱治之必愈然亦有輕重

○論腹脹有熱有寒屬外感

東垣曰經云諸腹脹大屬熱此乃八益之邪有餘之證自天外而入感風寒之邪傳入于裏寒變為熱作胃實日輔潮熱大渴引飲譫語是太陽陽明併病大實大滿者大承氣湯下之少陽陽明微滿實者小承氣湯下之五常正大論云下之則脹已是也假令痞瘕為脹滿亦有寒脹熱脹是天之邪氣傷暑而得之不即時發至秋暑氣衰絕而瘕病作矣知其寒也局方交加飲子是也豈不聞素問及靈樞經中說內虛不足中寒濕冷人中滿及五臟六腑俱有脹滿更以脹家寒熱多少較之胃中寒則脹滿陰陽應象論云濁氣在上則生脹脹針經

三才卷之二 月 月  
云脹取三陽三陽者足太陽膀胱寒水為脹與通評虛  
實論中說腹暴滿按之不下取太陽經絡者胃之募正  
同五臟生成論云腹滿腹脹云云見前胃中寒濕宛遏故也  
脈經所謂胃中寒則脹滿也又厥論云太陰之厥則腹  
滿腹脹後不利不欲食食則嘔不得卧按所說寒脹多  
如此湯液醪醴論中說中滿治法當開鬼門謂發汗也  
潔淨兩利小便也又云中滿者瀉之於內謂脾胃有病  
當令上下分消其氣下焦如瀆氣血自然分化不待泄  
滓穢如或大實大滿大小便不利從權以寒熱藥下之

○論腹脹屬內傷所致

食已即卧濕執逆氣  
不得施化令脹滿

東垣曰或傷酒濕麪及味厚之物膏粱之人或食已便  
卧使濕熱之氣不得施化致令腹脹滿此亦是熱脹調  
經篇云因飲食勞倦損傷脾胃始受熱中未傳寒中皆  
由脾胃之氣虛弱不能運化精微而制水穀聚而不散  
而成脹滿此寒濕鬱遏而脹也醪醴論中治法謂先瀉  
其血絡後調其真經氣血平陽和神清此治之正也或  
曰諸腹脹大皆屬於熱者何也此乃病機總辭假令外  
傷風寒有餘之邪自表傳裏寒變為熱而作胃實腹滿  
仲景以承氣湯治之亦有膏粱之人濕熱鬱於內而成  
脹滿者此熱脹之謂也大抵寒脹多而熱脹少治之者

玉機卷之二十一  
宜詳辨之

○論鼓脹屬濕熱

丹絳曰心肺陽也居上腎肝陰也居下脾居中亦陰也屬土經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行是脾具坤靜之德而有乾健之運故能使心肺之陽降腎肝之陰升而成天地交之泰是為平人今也七情內傷六淫外淫飲食不節房勞致虛脾土之陰受傷轉運之官失職胃雖受穀不能運化故陽升陰降而成天地不交之否清濁相混隧道壅塞鬱而為熱熱留為濕濕熱相生遂成脹滿經曰鼓脹是也以其外雖堅滿中空無物有似於鼓膠固難治又名曰蠱若虫侵蝕之義埋宜補脾又須養肺金以制木使脾無賊邪之患滋腎以制火使肺氣得清却厚味斷妄想遠音樂無有不安醫者不察急於作効病者苦於脹急喜行利藥以求通快不知覺寬得一日半日其腫愈甚病邪甚矣直氣傷矣古方惟禹餘糧丸又名石中黃丸又名紫金丸制肝補脾殊為切當亦須隨證加減用之予友俞仁叔連得家難年近五十得此疾自製禹餘糧丸服之其脉弦濇而數予曰此丸新制煨煉之火邪尚存溫熱之藥太多宜自加

三三

三三

服清脾

四

玉機卷之二十一

長清月

五

脹滿、劇証舟溪定  
而皆得効之例

臧不可執方俞笑曰此方不可加減服之一月口鼻見  
血色黑骨立而死又楊兄年近五十性嗜酒病瘧半年  
患脹診其脉弦而濇重則大瘧未愈手足瘦而腹大如  
蜘蛛狀子教以參朮為君當歸川芎芍藥為臣薑連陳  
皮茯苓厚朴為佐生甘草此小作濃湯飲之一日定三  
次彼亦嚴守戒忌一月後瘧愈又半年小便長而脹愈  
中間須稍有加減大意只是補氣行濕又陳氏年四十  
餘性嗜酒大便時見血春間患脹色黑而腹大形如鬼  
狀脉數而濇重似弱以四物湯加連苓朮通白朮陳皮  
厚朴生甘草作湯與之一月而安一補氣一補血餘藥

氣無補法、舟溪  
學為俗抗論

脹滿、一証難求  
効、後

大率相出入皆獲安或曰氣無補法今何補氣而獲安  
予曰氣無補法俗論也痞悶壅塞似難於補不思正氣  
虛者不能自運經曰壯者氣行則愈弱者則着而成病  
若不補氣邪何由行或曰子之藥審矣何効之遲也病  
者將厭子之迂而求速効矣子曰此病之起或三五年  
或十餘年根深勢篤難求速効知王道者能治此病或  
曰脹病將終不利耶子曰灼知其不虛病淺胃狂積滯  
不痼而又有可下之證矣

按此論七情內傷六淫外侵致脹合東垣所謂八益  
之邪有餘之證自外入也內傷勞倦虛損脾胃等致

不足之證自内生也可見虛實之殊寒熱病機互有  
則用藥當有所據矣

○論脹為諸氣所致

詳見氣證門

○論脹為諸積所致

陳無擇云五積久而必心腹脹滿但內所因不待成積  
即致也亦當隨其臟氣而平治之

謹按脹滿屬寒或內傷或諸氣或因病數服通利藥  
脾胃虛而致者為甚多屬濕熱者少至積成者亦甚  
有之但古方多不分治如禹餘糧丸類燥熱氣血之

此病太宜滿氣浮脈  
洪實宜下  
或下利過服或厚利  
後或中虛不運化  
類補脾行濕誠佳

齊於內鬱之火豈得不反有所助耶夫治是疾遇大  
實滿燥實痞閉氣滯或始由內傷脈洪實者非下之  
不可然有脈下劑過多或瀉利後所致或素脾胃虛  
弱不能運化而成者皆宜補脾行濕蓋此際正氣已  
衰矣况積而脹乎故云平治之又如血畜血瘀致者  
當從血藥治之寒者熱之熱者寒之結者散之清濁  
混者分消之或升降其氣或消導皆宜適事為故可  
也

○論濁氣在上則生臌脹

內經云清氣在下則生殭世濁氣在上則生臌脹此陰

陽反作病之逆也發明曰夫臍脹者以寒熱溫涼論之此何脹也曰此飲食失節為脹乃受病之始也濕熱亦能為脹右關脉洪緩而沉弦脉浮於上是風濕熱三氣相合而為病也是脾胃之令不行陰火亢甚乘於脾胃盛則左遷而陽道不行是六腑之氣已絕於外大盛能令母實風氣外絕風氣外絕者足穀輸入胃清氣營胃氣者經云虛則蕪其所勝土不勝者肝之邪也是脾是也

胃之土不足火木大勝者也經云濁陰出下竅濁陰走五臟濁陰歸六腑濁陰歸地此平康不病之常道反此則為脹也經云飲食不節起居不時者陰受之陰受之

則入五臟入五臟則膜滿閉塞論云手腕不通則胃氣熱熱氣熏胸中故內熱下臍者幽門也人身之中上下有七衝門皆下衝上也幽門上衝吸門吸門者會厭也衝其吸入之氣不得下歸於腎肝為陰火動相拒故咽膈不通致濁陰之氣不得下降而大便乾燥不行胃之濕與客陰之火俱在其中則腹脹作矣治在幽門使幽門通利泄其陰火潤其燥血生益新血幽門通利則大便不閉吸門亦不受邪其膈咽得通膜脹腹滿俱去矣是濁陰得下歸地矣故經曰中滿者瀉之於內此法是也

論下之則脹已

發明曰西北二方地形高寒經曰陰者其精奉於上其寒在外故曰寒則氣浮知陰之寒涼西北二方之氣為主用也異法方宜論云北方之人臟寒生滿病亦謂適寒涼者脹皆秋冬之氣也在人則為肺腎冬天之時寒涼在外六陽在於坤土之中坤土者人之脾胃也五臟之病外寒則必內熱脈經所謂五臟脈小皆為消瘴之病消瘴者消穀善饑北方之地無不能食者此也陰勝陽虛下之則愈正謂此也病機云諸腹脹大皆屬於熱下之則脹已此理悉矣

謹按脹主下之一法亦大畧言爾故出方宜之論若泛用之多往往腹脹是失運化之職也然是證雖主於下蓋病因寒熱積濕氣血機本不同於治可不為分例云

脹滿治法

○調理之劑

局方紫沉通氣湯治三焦氣滯不能宣通腹脹便澀

方見氣證門

濟生紫蘇子湯治憂思多度致傷脾胃心腹脹滿喘促煩悶腸鳴氣走漉漉有聲大小便不利脉虛緊而澀

蘇子一兩

大腹皮

草果仁

半夏

厚朴製

木香

陳皮

木通

白木

枳實

人參

甘草各半兩

右咬咀每四錢入姜棗煎服

按此二方手足太陰之劑也

五因大半夏湯治肝氣不平勝剋於脾脾鬱不行結聚涎沫閉於臟氣肺氣不舒胃則脹滿其脉弦遲故知中虛胃冷脹滿服此可下氣進食

半夏洗

桂心各半兩

附子

人參

甘草炙

厚朴製

當歸

茯苓

枳實炒各三錢

川椒炒八粒

右剉每四大錢入姜棗煎服

禹餘糧丸治中滿氣脹喘滿及水氣脹

蛇含石三兩

真針砂五兩

禹餘糧三兩同

已上三物為主其次量入虛實入下項藥料

禾香

牛膝

蓬木炮

白茯苓

桂心

川芎

白豆寇

茴香炒

三稜

羌活

茯苓

乾姜

青皮

陳皮

附子炮

當歸各半兩

右為末料勻以湯浸蒸餅去水搗丸如梧子大

每五十九空溫酒

按此治寒脹消積藥也氣血之劑陰陽之氣下陷者可用故存之與前方並足太陰例

東垣木香順氣湯治濁氣在上則生臌脹

木香三分 厚朴四分 青皮 陳皮

益智 茯苓 澤瀉 乾生姜

半夏各二分 吳茱萸湯洗二分 當歸五分 升麻

柴胡各一分 草豆蔻煨三分 蒼木三分

右咬咀水煎服

按此足太陽陽明厥陰藥也

木香塌氣丸治中焦腹脹

蘿蔔子炒 陳皮去白各半兩 胡椒 草豆蔻煨

木香 青皮各三錢 蝎稍去毒二錢半

右為細末水糊為丸如梧子大每三十九溫米飲

下忌服油膩白粥百日量入大小與服陰囊腫用

青鹽乾姜白麪為末水調貼之

中滿分消湯治中滿寒脹寒疝大小便不通陰蹠足不

收四肢厥逆食入反出下虛中滿腹中寒心下痞下焦

燥寒沉厥奔豚不收並宜服之

益智仁 半夏 茯苓 木香

升麻 各三分 吳茱萸 草豆蔻 黃芪 各五分

川烏頭 澤瀉 人參 麻黃 青皮 柴胡

當歸 生薑 黃連 畢澄茄 黃芩 各二分 為

乾姜 右吹咀只作一服水煎 黃芩 各二分 為 熟因無用

按此二方治寒脹之劑也

廣茂潰堅湯治中滿腹脹內有積塊堅硬如石令人坐臥不安大小便澀滯上氣喘促通身虛腫

厚朴 黃芩 益智仁 草豆蔻

當歸 各五錢 黃連 六錢 半夏 七錢 廣茂

升麻 紅花 各二錢 吳茱萸 二錢 甘草 生

柴胡 澤瀉 神麩 青皮

陳皮 各三錢

右吹咀每七八錢水煎食前溫服 渴者加葛根

四錢

中滿分消散丸治中滿鼓脹氣脹水氣脹大熱脹

黃芩 黃連 枳實 半夏 製各 五錢

姜黃 白朮 人參 甘草 炙

猪苓 各一錢 生乾姜 白茯苓 砂仁 各二錢

厚朴 一兩 知母 四錢 澤瀉 陳皮 各三錢

右為細末水浸蒸餅為丸如梧子大每百丸焙熟  
白湯下食後寒因熱用故焙服

按此並治熱脹之劑也又濕熱之藥

○攻下之劑

二因七物厚朴湯治腹滿發熱脉浮數飲食如故脹滿  
者為熱脹

厚朴一兩炒甘草炙 大黃煙各三錢 枳實炒半兩

桂心一分

右為末每四大錢入姜棗煎噀者加半夏

按此治熱之劑陽明例藥也

簡易是齋推氣九治三焦痞塞氣不升降腹脹

檳榔 陳皮 黃芩 大黃

枳實 黑牽牛各等分

右為末煉蜜丸如梧子大每五七十九臨睡湯下

量虛實與服

楊氏消脹九

木香 黑牽牛 蘿白子炒 檳榔

右等分為末水糊凡如梧子大每三十九

宣明肉豆蔻丸治食癉腹脹如鼓不食者病可下

肉豆蔻 檳榔 輕粉各一錢 黑牽牛一兩半

右為末糊為丸如菉豆大每服十九至三十九煎連翹湯下食後日三服

按此並氣分藥也

雞屎醴散治心腹脹滿巨食不能暮食致令胃逆鼓脹

大黃

桃仁

雞屎醴乾者等分

右為末每一二錢水煎入姜食前服

按此血分藥也

東垣沉香海金沙丸治一切積聚脾濕腫脹肚大青筋

羸瘦

海金沙

半錢沉香二錢

輕粉二錢

牽牛末一兩

右為末獨蒜如泥為丸如梧子大每三十九前首

沸灯心通草湯下量虛實與服

海金沙散治脾濕太過腹脹如鼓

方見濕門

按此二方治濕之劑也

沉香交泰丸治濁氣在上干擾清陽之氣蹇而不伸以

為臍脹

沉香

白木

當歸各三錢厚朴製并兩

枳實炒

吳茱萸洗

白茯苓

澤瀉

陳皮

青皮

木香各二錢

大黃

酒浸二兩

右為細末湯浸蒸餅為丸如梧子大每五十九加至七十九溫湯送下

按此分消之劑也氣血之藥

三花神佑丸治一切腫病大腹實脹喘滿

方見濕門

按此治濕熱之藥也

○治積聚之劑

澹寮三稜煎丸治心腹堅脹脇下緊硬胸中痞塞喘滿

京三稜半斤為末以酒三升煎器內蒸氣青皮

蘇白子炒

神麩炒各二兩

麥蘖炒三兩礪砂一兩

乾漆炒

杏仁炒各半兩

右為末以膏子丸如梧子大每三十九食後溫米

飲下

導氣丸治諸氣痞塞關膈不通腹脹如鼓大便虛秘

青皮用酒炒

莪朮要虫炒三稜乾漆炒擯榔班猫炒

萊菔牽牛炒

乾姜礪砂炒附子鹽炒

赤芍川椒炒

胡椒茴香炒石菖蒲桃仁炒

右各到與所同炒藥熟去水輕等不用只以青皮

等十件為末酒糊為丸如梧子大每五十九至七九

空心紫蘇湯下

塌腫神應丸治諸蠱毒腹脹

方見積聚門

按此並治積聚道氣散鬱之劑也又能入血分

謹按已上攻治諸方皆有輕重所宜之製宜對證選用不得少差致有實實虛虛之失也發明曰禁眼論云約方猶約囊也囊滿弗約則輸泄方成弗約則神與氣俱未滿而知約之可以為立不可以為天下師此聖人所以退太過而進不及以平為期也大凡氣味者有毒無毒固宜常制矣是以大毒治病十去其

奇  
耦方明說

巨犀方全而稱中行  
師說

六常毒治病十去其七小毒治病十去其八無毒治病十去其九餘以穀肉菓菜食養盡之至如君一臣二奇之制也君二臣四耦之制也近而奇耦制小其服遠而奇耦制大其服大則數少小則數多矣多則九之少則二之補上治上制以緩補下治下制以急急則氣味厚緩則氣味薄下不以耦汗不以奇隨其邪之所在高下淺深輕重虛實影響無間萬舉萬全是謂中行故可為師也假如病大而湯劑小則邪氣少屈而藥力已之欲不復治其可得乎猶一杯之水救一車薪之火竟不能滅是謂不及故不可為師而

古曰凡偏重者故復過  
中太過不及全為偏廢  
而太過之失其甚不及  
之戒

更甚者得大便  
別稱

可以為工矣小而湯劑大則邪復已盡而藥有餘力  
欲不傷正何所容哉猶火炎崑崙罔玉石俱焚莫之能  
止是謂太過此又不可以為工是乃粗醫也三者之  
論惟中而已過與不及皆為偏廢然而太過尤甚於  
不及何以明之蓋失之於姑息邪復勝正者止於勞  
而無益猶可勉而適中或失於苛暴則正氣被傷因  
而羸瘠者有之危殆者有之滅亡者有之非徒無益  
而又害之此所謂尤甚也可不戒哉嘗考仲景之書  
於承氣條下攻裏則曰若更衣止後服於桂枝湯後  
發表乃云漿漿微汗亦佳不可令如水淋漓本乎

岐之微旨有所得耳

玉機微義卷之二十六

